

ფასი 25 კპბ.



№№ 17—18  
წელიწადი 800 რმ.

# ცხოვრება

ორკვირული სამეცნიერო, სალიტერატურო და საპოლიტიკო უფრნალი.

## ზ ი ნ ა ა რ ს ი.

1. ნ. ბარათაშვილი, მ. ჯანაშვილისა.
2. მერანი, ლექსი, ნ. ბარათაშვილისა.
3. სულა ბორცო, ნ. ბარათაშვილისა.
4. ნ. ბარათაშვილის დაუბეჭდავი ლექსი.
5. რჩეული აზრები, ნ. ბარათაშვილისა.
- 6, 5. ბარათაშვილი და მისი მოწინააღმდეგე მწერალთა დახასიათებით, ნ. ნიკოლაძე.
7. ჩემს ბორკილებს, ობოლი მუშისა.
8. სეფდის აბლაბუდა, დ. თურდოსპირელისა.
9. სირას სევდა, ვასო ჭითავასი.
10. სოფლათ, ნ. ზენობნიელისა.
11. პირველი დებიუტი. დასასრული. გ. ალისა.
12. „გზა“. პიესა, სანდრო გურულისა.
13. ქორწილში, დასასრული, თავ—თღორისა.
14. ილია ჭავჭავაძე.
15. პროფესორი ალ. საგარელი.
16. გ. თუმანიშვილი.
17. ვ. წერეთელი.
18. ი. გომართელი.
19. მეორე ჩემი ეპისტოლე დეკანოზ იოსებ წერეთლის. მიმართ, ლ. ბახტაძისა.
20. რედაქციისგან.

1 დეკემბერი 1916 წ.

### მ უ თ ა ი ს ი

სტამბა „ქობა“, პუშკინის ქ., სახლი იაკობ გოციელისა.



ორკვირული საპოლიტიკო, სალიტერატურო და სამეცნიერო ჟურნალი.

## ნ. ბარათაშვილი.

(22 ნოემბ. 1816 - 22 ნოემბ. 1845)

ბარათაშვილები, ორბელიანები, აბაშიძენი და გუგუნავანი საქართველოში მოვიდნენ ქრისტეს წინათ მეოთხე საუკუნეში, ფარნავაზ მეფის დროს. ისინი დასახლდნენ თრიალეთზე, საბარათიანოში.

ბარათაშვილების გვარმა საქართველოს აჩუქა არა ერთი ჩინებული მეომარი, არა ერთი მხნე და ერთგული მამული შვილი, სახელოვანი ღვდელ-მთავარი, მოღვაწე. მათი მეცადინობით საბარათიანოში აშენდა არაერთი შესანიშნავი საყდარი, დაიწერა არა ერთი ძვირფასი წიგნი.

ნიკო ბარათაშვილმა უფრო მეტათ ასახელა თვისი გვარეულობა: იგი შეიქნა მის ბწყინვალე ვარსკვლავათ, ხოლო ამასთანვე საქართველოს დიდებათ.

მგოსნის მამა, მელიტონი მსახურობდა თარჯიმნათ ერთ ახლათ დაწესებულ სამხარეთველოში, მერე, იყო თფილისის მაზრის უფროსათ, თავად-აზნაურობის წინამძღვრათ. დიდს ადგილს დიდი ხარჯები უნდებოდა. ამასთან თვით თავადი მელიტონიც იყო კაცი სტუმართმოყვარე, ხელ-გაშლილი. მალე შემოვიდა ცხოვრების სახსარი და გაღარბდა.

მიუხედავათ ამისა, მელიტონი მაინც დიდ კაცურ ცხოვრებას არ იშლიდა. მისი კარი კვლავაც ღია იყო აუარებელ მეგობრებისა და ნაცნობებისთვის. მგოსანი ჭკვაჟაძე, გრიგოლ ორბელიანი და სხვა სწავლული ქართველები მისი მუდმივი სტუმრები იყვენ. თვითაც დროს შესაფარი სწავლა მიეღო და ითვლებოდა კაი მოლაპარაკეთ.

ის ქალი, რომელმაც თვის ძუძუსთან ერთად მგოსანს ჩაუწვთა გულში უაღრესი ნაპერწკალი ღვთიურ სიყვარულისა, იყო მისი დედა ეფემია, გრიგოლ ორბელიანის და.

ეფემია იყო სახით შვენიერი, მოხდენილი

ქალი. ხასიათი ქონდა მშვიდი, წყნარი. შეენიერთ იცოდა ქართული მწიგნობრობა, მეტადრე საღმრთო წერილი, ლამაზი წერა.

მელიტონის სახლობის ბინათ ანჩის-ხატის უბანი იყო. აქვე დაიბადა მისი შვილი ტატო, იგივე ნიკოლოზი, 22 ნემბერს 1816 წელს.

ჯერ ისევე პატარა იყო ტატო, რო დედამ დააწყებია სწავლა, და თითვე გაწურთნა წერა-კითხვაში. შემდეგ, შვიდი წლისა რო შესრულდა, მიადარეს კალოუბნის სკოლაში. ეს იყო მაშინ ერთ-ერთი სასწავლებელი, საცა პირველ-დაწყებით სწავლას იღებდენ დიდკაცობის შვილები. აქ დაყო ტატომ 1827 წლამდე და, მერე, ასე წოდებულ, კეთილ-შობილთა სასწავლებლის მოწაფეთ მიებარა. ეს ის კეთილშობილთა სასწავლებელია, რომელიც შემდეგში პირველ გიმნაზიათ გადაკეთდა.

ტატო მეცადინობდაბ ეჯითად, იყო ცქვიტი, მახვილ გონება, ფრიად ჭკერ-მეტყველი; ამხანავთა მოსიყვარულე, მალხაზი.

მაშინ სწავლის საქმე რიგიანათ მოწყობილ არ იყო. ხელსამძღვანელოები არ ვარგოდენ ბ ასეთებიც ძნელი საშოვნელი იყო თფილისში. მასწავლებელთა უმეტესობა ვერ დაიტრებახებდა თვისი მოწოდებით. მარა, რასაც და როგორც ასწავლიდენ, მას ჩვენი ტატო წარმატებით ითვისებდა.

1835 წელს შეასრულა ეს სასწავლებელი და დააპირა სწავლის გაგძობა უნივერსიტეტში. მარა წინ გადაეღობა სიღარიბე და ამ სიღარიბისგან გამოწვეული უარი უნუგემოთ ავადმყოფ მამისა: „შვილო შენ რო წასვლას აპირობ, ამ ოჯახს, რომელიც დღეს-ხვალ დაობლდება, ვის უტოვებ!?

გული დაწყდა. მარა შვილობრივი ვალდებულება უნდა აესრულებია; ამ საღმრთო ვალდებულობას მოსიყვარულე გულის ტატო ვერ გაექცეოდა.



დარჩა.

ახლა შეუდგა იმის ფიქრს, თუ რა სამსახური ამოირჩიოს, რა თავის თავსაც არგოს და თავის ოჯახსაც დაეხმაროს.

თავიდანვე მას იზიდავდა სამხედრო სამსახური, მარა სკოლაში მყოფობისას კიბიდან ჩამოვარდა, ფეხი დაიშავა და დაკოქლდა. ასეთს აბა, რა წარმატება მიეცემოდა სამხედროში! და მანაც ბევრი აღებ-დაღების შემდეგ, ირჩია სამოქალაქო სამსახური და გახდა მოხელეთ „ექსპედიცია სუდა ი რასპრავი“-სა.

მარა სამსახურის შოვნით არ იყო გახარებული. იგი წერს თავის ბიძას, გრიგოლ ორბელიანს, რომელიც რალაც გაუგებარ უღმობლობით ეპყრობოდა თვისი დისწულის ფეხზე დაყენების საქმეს; დიახ, წერს ასე:

„საყვარელო ძიავე! განვწესდი სამსახურში და დავმორჩილდი ჩემს მკაცრს ბედს, თუმცხანდისხან ჯავრით დავაპირებ ხოლმე მასთან შებმას: ან ჩემი ბედი და ან ჩემი სურვილის ასრულება! გაცნობებთ ჩემს ვითარებას, რომ აქ დარჩენა სიზარმაცეში არ ჩამომართოთ. ღმერთმა დამიფაროს. ეგ თვისება სხვისაც მეჯავრება. ჰეშმარიტად, არა, ზარმაცი არა ვარ, მაგრამ რა ვქნა, რა გაეწყობა სოფლის ბრუნვას“.

მგოსანი თხოვდა ბიძას, გრ. ორბელიან, მაშინ დაღისტნის გუბერნატორს, საჩემო სამსახური აღმოიჩინეო. მარა ამათ: გრ. ორბელიანს არ სურდა გაეგო, რა ანაღვლებდა მისს ნიჭიერს დისწულს.

დაემორჩილა „მკაცრ ბედს“ ნიკო ბარათაშვილი. სამსახური ისეთი წარმატებით აწარმოვა, რა მთავრობის ყურათღებაც დაიმსახურა და სახელიც გაითქვა საზოგადოებაში.

მარა თფილისის ცხოვრება მაშინ იყო უფერული. ქალაქში არ იყო კლუბები, თეატრი, გიმნაზიები და ამგვარი კულტურული დაწესებულებანი. თუ იყო სადმე ამისანა, ისიც ძლივს მიღონდილებდა.

სალაყბო მთაწმიდა, ორთაქალა, კერძო სახლები, — ეს იყო მაშინდელი საზოგადოების თეატრი და კლუბი. ჰადრაკი, სიმღერა, სერიწო-

ბა, ამით ივსებოდა გართობა, დროს გატარებდა. მხოლოდ იყო მკირე წრე მოწინავე კაცებისა, რომელთაც აწუხებდა ქვეყნის კირ-ვარაში, რომელნიც თავს იყრიდენ იქ, თუ აქ და სხვა და სხვა საკითხებზე ბაასობდენ. გული ამ წრისა იყო ჩვენი ჰაბუეი მგოსანი — ნიკოლოზი. მარა ამ წრეშიაც იგი ვერ პოვებდა დაკმაყოფილებას და თავის იმავე ბიძას გრიგოლს წერდა:

„ტფილისი უსარგებლო ქალაქია გულისა და გონებისთვისო“.

მგოსანს, როგორც კოქლ კაცს, არ წყალობდენ აქაური ბანოვანებიც. ამის გამო, თავისთვის საგულისგულო საცოლვე ვერ მოიძევა და დარჩა უცოლოთ.

დარჩა მარტოკა და მისი სული შეიპყრო მარტოობის სევდა-ობლობამ.

ეგება, დროით რომ დაქორწილებულიყო, მოენახა თვისი საგულო და თვისი უსაზღვრო ფიქრთა და აზრთა გამზიარებელი, მის გულს, ვიმეორებ, ეგება გადაეყარა მოწოლილი დარღები, მისი სევდა-კაშნის მორვეათ ქცეული, სული დამყუდროებულიყო, და აწ-კი იგი მარტო იყო და ღელავდა ამოპქრებულ ზღვასავით. იგი წერს თავის ბიძა ზაქარას:

„მიუხვდომელობამ ჩვენის დანიშნულების საგნისამ, უსაზღვროებამ ადამიანის ნატვრისა და ამოებამ მთელის ცას-ქვეშეთისამ ამივსეს გული საშინელის სიცალიერით. მე რომ პატარა დამოუკიდებელი შეძლება მქონოდა, ამ წამსვე თავს დავანებებდი ქვეყანას, ადამიანსაც მისის გაუმაძრობით, და შეუშფოთველად და მშვიდად გავატარებდი უბრალო (მამაპაპურ) სიცოცხლეს წიაღსა შინა მარტივის ბუნებისა, რომელიც ასე დიდებული და შვენიერია ჩვენს მამულში. ამ ნადვლიან ფიქრების დროს მომესწრო შენი წერილი... ადამიანის სული, როდესაც თავის სრულს განვითარებას მიღწევს, და ზენაართ განსაზღვრულ საქმეებს ასრულებს, ბოლოს დამაშვრალი ეძლევა მოსვენებას მშვიდ საოჯახო ცხოვრებაში.“

უფრო საგულისხმოა, ამ მხრივ, მგოსნის წერილი მის დის მიიკოსადმი. მას წერს:



„შენც იცი, დიდხანია ობოლი ვარ. არ დაიჯერებ, მაიკო, სიცოცხლე მომძულეობია ამდენის მარტოობით. შენ წარმოიდგინე, მაიკო, სიმწარე იმ კაცისა, რომელსაც მამაცა ყავს, დედაც, დებიც, მრავალნი მონათესავენი და მაინც კიდევ ვერავის მიკარებია, მაინც კიდევ ობოლია ამ სავსე და ვრცელ სოფელში! ვინც მაღალი გრძნობის მექონი მეგონა, იგი ვნახე უგულო; ვისიც სული განვითარებული მეგონა, მას სული არ ქონია, ვისიც გონება მრწამდა ზეგარდამო ნიჭად, მას არცა თუ განსჯა ჰქონია, ვისიცა ცრემლნი მეგონებოდენ ცრემლად სიბრალულისა, გამომეტყველებად შევნიერის სულისა, თურმე, ყოფილან ნიშანნი ცბიერებისა, წვეთნი საშინელის საწამლავისა! სად განისვენოს სულმა, სად მიიღრიკო თავი? ვიცი, გაიცინებ, მაიკო, ასე გეგონება დამწვარი ელაპარაკობ. ჭეშმარიტად მაიკო...

ძნელი არის მარტოობა სულისა:

მას ელტვიან სიამენი სოფლისა,  
მარად ახსოვს მას დაკარგვა სწორისა,  
ოხვრა არი შვება უბედურისა!“

ამისანა აუტანელმა ყოფამ მას გააბედვინა ბიძის გრიგოლისთვის მიემართნა საყვედურით. „შენც ისე იქცევი, როგორც ყოველი ქართველი მოხელე: შენიანებს არ ეკარებო, მათ ცხოვრების გაუმჯობესებაზე არ ზრუნავო.“

ბოლოს, ჭაბუკ მგოსანს ყურათღება მიაქცია მისმა სკოლის ამხანაგმა, ლევან მელიქიშვილმა და გაამწესა ნახიჩევანის მაზრის უფროსის თანაშემწეთ. მარა გადაყრუებული ნახიჩევანი, რა მისი სასარბიელო იყო! მის სულს ენატრებოდა სოფლის მყუდროება, რა ჩაღრმავებულიყო უსაზღვროობის სიღრმეში, და მასკი დაავალეს დევნა ველურ მაზრის ყაჩაღების და ავაზაკების! მისმა სულმა იქ ვერ მოისვენა და პატრონმაც ადგილი იცვალა — განჯას გადავიდა. მარა ვაი, რომ აქაც დახვდა ნახიჩევანისებური გარემოება, იმაზედაც უფრო უსასტიკესი. აქ გარდაიცვალა ყაჩაღების დევნაში გაცივებული დიდი მგოსანი, 22 ნოემბერს, 1845 წელს და იქვე მიაბარეს საფლავს. აღს-

რულდა მგოსნის ჯერ ისევ 1842 წელს ნაწინასწარმეტყველავი:

„ნუ დავიმარხო ჩემსა მამულში, ჩემთა წინაპართ საფლავებ შორის; ნუ დამიტროს სატრფომ გულისა, ნულა დამეცეს ცრემლი მწუხარის, შავი ყორანი გამითხრის საფლავს, მდელითა შორის ტიალის მინდვრის და ქარიშხალი ძვალთა მთენილთა ზარით, ღრიალით მიწას მომაყრის!“

ასე ჩაქრა საქართველოს დიდებული კანდელი მაშინდელ ფურთხის ღირს საზოგადოების წინ.

არავინ დაიტირა ნიკო

არავინ მოაპკურა მის სამარეს ცრემლი...

ასე გავიდა სრული 48 წელიწადი.

აღორძინდა ახალი საქართველო. „ცისკრის“, „საქართ. მოამბის“, „მნათობის“, „კრებულ-ღროების“ და „კვალის“ მუშაკებმა შექნეს ახალი საზოგადოება. ამ საზოგადოებამ გამოიყიდა წინანდელი დანაშაული, ამოთხარა ნეშტი თვისი სახელოვან მგოსნისა, განჯიდან მოასვენა და დიდებით მისი ძვლები მიაბარა დიდუბის პანთეონს (25 აპრ. 1893 წელს).

ნეშტის გადმოსვენების ამბავს ასე აგვიწერს „კვალი“ (№ 18, 1893 წ.):

„დღე 25 აპრილი იყო ღრუბლიანი, დილით ცოტა წინწყლავდა... ქალაქიდან ხალხი მიეშურებოდა რკინის გზის სადგურისკენ. დიდი, პატარა, ქალი და ჩჩვილი, — ყველანი იქით მიისწრაფოდენ, გულის ძგერით მოელოდენ, თვალი მოეკრათ დიდებული ქართველის ნაშთისთვის. გაისმა რკინის გზის სადგურზე მწყობრი, გულის სიღრმემდი მისაწვდენი ტბილი ხმა ქალების გალობისა: „ქრისტე აღსდგა მკვდრეთით“. ნიკოლოზ ბარათაშვილის ძეგლებიც ამღვარიყო და მოდიოდა დიდებით თავის სამშობლოში. ერმა მუხლი მოუყარა თვისი მომავლის სვე ბედის წინასწარმეტყველს. მას უფენდენ წინ მუხისა, დაფნისა და პურის თაველებსგან შეკრულ გვირგვინებს. ერი გლობდა „წმიდაო ღმერთოს“, და ამ დიდებით გაყვა იგი დიდუბის ტაძრამდი, სადაც მას მოელოდა სამშობლო მიწა, რა მიედო საუკეთე“



სო დაკარგული შეილი თვის კალთაში, ზედ დაეფრქვია მდუმარე ცრემლი საქართველოს დედისა და იმითი გაეთბო 48 წლის გაყინული ძვლები პოეტისა უცხო ქვეყანაში“.

მგოსნის კუბოს წინაშე წარმოითქვა სიტყვა. აკაკიმ თავის შესანიშნავ შესხმას წაუმძღვარა თვით განსვენებული მგოსნის სიტყვები:

„მინდა მზე ვიყო, რომ სხივნი ჩემთ დღეთა გარსა მოვავლო, საღამოს მისთვის ჩავიდე, რომ დილა უფრო ვაცხოვლო. მინდა, რომ ვიყო ვარსკვლავი, განთიადისა მორბედი, რომ ჩემს აღმოსვლას ელოდენ ტყეთა ფრინველნი და ვარდი“.

ნიკო—ტატამ ჯერ ისევ სკოლაში ყოფნის დროსვე დაიწყო მწერლობა, ლექსების წერა. გიმნაზიაში იგი მონაწილობას იღებდა მოსწავლეთა ჟურნალში „ცვეტოკ გიმნაზიი“. გიმნაზიაში მყოფობისას დაწერა აგრეთვე ორი ჩინებული ლექსი: „ბულბული ვარდზე“ და „ქეთევან“.

სკოლის გარეთ მგოსანმა იცოცხლა მხოლოდ ათი წელიწადი. ამ ხნის განმავლობაში მან დაწერა სულ მან ლექსი. არი ცნობა, რომ მას დაწერილი ქონია აგრეთვე ვრცელი პოემა „ივერიელნი“, რომელშიაც დახატული ყოფილა მეთერთმეტე და მეთორმეტე საუკ. საქართველო. აგრეთვე გადმოთარგმნილი ქონია ტრადედია „იულიუს ტარენტელიც.“ მარა ეს უკანასკნელნი და ბევრიც სხვა თვითვე დაუხვიაო.

მართალია, მგოსან ბარათაშვილს ბევრი არ დაუწერია, მარა, რაც დაუწერია, ყველა რჩეულია, პირველ ხარისხოვანი.

საგანი ბარათაშვილის ქნარისა არის ბუნება, სამშობლო, სიყვარული, ადამიანობა.

კილო მგოსნის ქნარისა არი კაგშანი, სევდა, ნაღვლიანობა, მარტოობა, ობლობა სულისა.

ის კილო უაღრესობამდი ვავითარებულია მის ლექსებში: „მერანი“, „სულო ბოროტო“, „სული ობოლი“.

მთაწმიდა, მტკვარი, ჩინარი, ყვავილი და სხ. მგოსნისთვის შესამჩნევია იმ მხრით, რომ აძლევენ შემთხვევას, — გულჩათხრობილმა აღმოხეთქოს გულის სიღრმიდან მწვავე სევდა, მწარე ნაღველი. კრწანისის ველი, არაგვის პირი, მეფე ერეკლე მის გულში ბადებენ აზრთა მორევს, შესახებ საქართველოს ბუნების შვენიერებისა, ქართველ მეომართა გამირულათ ბძოლისა, შინა გამცემლობისა, მეფისძეთა უნიჭობისა.

მგოსან ბარათაშვილს, როგორც ვუწყით, ადარებენ ლერმონტოვს და ბაირონს, რომელიც აგრეთვე დამღეროდა სულით ობლობის და სულით მარტოობის ჰანგზე.

საქართველოში ხომ, ამ მხრივ, ბარათაშვილს ტოლი არ გამოჩენია.

ერთს თავისს ლექსს („ფიქრი მტკვრის პირას“) ბარათაშვილი ათავებს სიტყვებით: „არც კაცი ვარგა, რომ ცოცხალი მკვლარსა ემსგავსოს, იყოს სოფელში და სოფლისთვის არ-რა იზრუნვოს“.

დიახ, პოეტი ნიკოლოზ მელიტონის ძე ბარათაშვილი, თუმცა მოკლე ხანს იყო ამ სოფელს, სულ 29 წელიწადი, მარა სოფლისთვის-კი თვალ-საჩინოთ იზრუნა: სამშობლოს დაუტოვა საიმედო ჰანგები და მით თავის თავსაც დაუდგა უხრწნელი ძეგლი: უკუნითი სსოვნა დვიძლი ერის მესსიერებაში.

მ. ჯანაშვილი.

18 ნოემ. 1916 წ.

## მ ე რ ა ნ ი .

მირბის, მიმაფრენს, უგზო უკლოდ ჩემი მერანს,  
უკან მომიხზავს თვალ-ბედითი შავი ყორანი!  
გასწი, მერანო, შენს ქენებას არ აქვს საზღვარი,  
და ნიავს მიეც ფიქრი ჩემი შავად მღელვარი!



გაკვეთე ქარი, გააპე წყალი, გადაიარე კლდენი დაღრენი,  
გასწი, გაკურცხლე და შემიმოკლე მოუთმენელსა სავალნი ღდენი!

ნუ შეეფარვი, ჩემო მფრინავო, ნუცა სიცხესა, ნუცა ავდარსა,

ნუ შემობრალე მტკიცეობით თავგანწირულსა შენსა მხედარსა!  
რაა, მოვშორდე ჩემსა მამულსა, მოვაკლდე სწორთა და მეგობარსა;  
ნულა ვიხილავ ჩემთა მშობელთა და ჩემსა სატრფოს ტკბილ მოუბარსა, —  
საც დამიღამდეს, იქ გამოთენდეს, იქ იყოს ჩემი მიწა სამშობლო;  
მხოლოთ ვარსკულავთა, თანამავალთა, ვამცნო გულისა მე საიდუმლო!

კენესა გულისა, ტრფობისა ნაშთი, მივცე ზღვის ღელვას,  
და შენს შევნიერს, აღტაცებულს, გიჟურსა ლტოლვას!  
გასწი, მერანო, შენს ჭენებას არ აქვს საზღვარი,  
და ნიავს მიეც ფიქრი ჩემი, შავად მღელვარი!

ნუ დავიშარხო ჩემსა მამულში, ჩემთა წინაპირთ საფლავებ შორის:  
ნუ დამიტვიროს სატრფომ გულისა, ნულა დამეცეს კრემლი მწუხარის, —  
შავი ყორანი გამითხრის საფლავს, მღელვოთა შორის ტილის მინდვრის,  
და ქარშხალი ძვალთა შთენილთა, ზარით, ღრიალით, მიწას მომაყრის!

სატრფოს კრემლის წილ, მკვდარსა, ოხერსა დამეცემიან ციურნი ცვარნი,  
ჩემთა ნათესავთ გლოვისა ნაცვლად, მივალოლებენ სვაენი მყივარნი!  
გასწი, გაფრინდი, ჩემო მერანო, გადამატარე ბედის საზღვარი,  
თუ აქამომდი არ ემონა მას, არც აწ ემონოს შენი მხედარი!

დაე, მოვკვდე მე უპატრონოდ მისგან ოხერი!  
ვერ შემაშინოს მისმა ბასრმა, მოსისხლე მტერი!  
გასწი, მერანო, შენს ჭენებას არ აქვს საზღვარი,  
და ნიავს მიეც ფიქრი ჩემი, შავად მღელვარი!

ცუდათ ხო მაინც არ ჩაივლის ეს განწირული სულის კვეთება!  
და გზა უვალი, შენგან თელილი, მერანო ჩემო, მაინც დარჩება,  
და ჩემს შემდგომად მოძმესა ჩემსა სიძნელე გზისა გაუადვილდეს,  
და შეუბოვრად მას ჰუნე თვისი შავის ბედის წინ გამოუჭროლდეს!

მირბის, მიმაფრენს, უგზო-უკვლოდ ჩემი მერანი,  
უკან მომჩხავის თვალ-ბედითი შავი ყორანი!  
გასწი, მერანო, შენს ჭენებას არ აქვს საზღვარი  
და ნიავს მიეც ფიქრი ჩემი, შავად მღელვარი!  
1842 წ. მაისის 9.



\*  
\* \*

სულთ ბოროტო, ვინ მოგიხმო ჩემად წინამძღვრად,  
ჩემი გონების და სიცოცხლის შენ აღმაშფოთრად?  
მარქვი, რა უყავ, სად წარმიღე სულის მშვიდობა,  
რისთვის მომიკალ ყმაწვილის ბრმა სარწმუნოება?

ამას უქადლი ჩემს ცხოვრებას, ყმაწვილ-კაცობას,  
თითქოს მადღევედი ამა სოფლად თავისუფლებას,  
ტანჯვათა შორის სიამეთა დამისახავდი  
და თვით ჯოჯოხეთს სამოთხედა გარდამიქცევდი!

მარქვი, რა იქმნენ საკურველნი ესე აღთქმანი?  
რად მომიხიბლეს, აღმირიე, წრფელნი ზრახვანი?  
სულთ აღმშფოთო, მიპასუხე, ნუ იმალები,  
რატომ გაცუდდა ძალი შენი მომჯადლოები?

წყეულიმც იყოს დღე იგი, როს შენთა აღთქმათა  
ბრმად მივანდობდი, ვუსხვერპლიდი, ჩემთ გულის თქმათა!  
მას აქით არი დავუკარგე მშვიდობა სულსა,  
და ვერც ღელვანი ვნებათანი მიკვლენ წყურვილსა!

განვედი ჩემგან, აი მაცდურო, სულთ ბოროტო!  
რა ვარ აწ სოფლად დაშთენილი უსახნოდ, მარტო,  
ქკუით ურწმუნო, გულით უნდო, სულით მახვრალი?  
ვაჲ მას, ვისაჲ მოხვდეს ხელი შენი მსახვრალი!  
1843.

## 6. ბარათაშვილის დაუბეჭდავი ლექსი.

ელენეს და მარიამს.

მე ვად მაყვედრით ფედოროვს, თქვენვე მოგხვდებათ სიძედა,  
არც იმაზე ხართ უმცროსი, რაღას დასცინით ხანზედა;  
თუნდა კნენა სოფიოს, კათხეთ, რამდენის წლისაც ხართ;  
მაგას რო ქმარი შეურთავს, დაბადებული ყოფილხართ!  
თვარემ მეც გატყობთ სიბერეს, წელიწადებსა ნუ იკლებთ;  
გაგთეთრებიათ თმებიცა, ტყუილად ზეთებს აბრალებთ;  
პაპუნაშვილი თქვენი ყმა, თქვენი ლაღასა ყოფილა,  
იმისი თქმითა მარიამ, ოცდა ათისა ყოფილა!

თ-დი 6. ბარათოვი...



# ჩრეული აზრები ნ. ბარათაშვილისა.

მწუხრი გულისა — სევდა გულისა —  
ნუგეშსა ამას შენგან მიიღებს,  
რო ვათენდება დილა მზიანი  
და ყოველს ბინდსა ის განანათლებს!

მაინც რა არი ჩვენი ყოფა,  
წუთი სოფელი,  
თუ არა ოდენ საწყაული  
აღუესებელი?  
ვინ არის იგი, ვისთვის  
გული ერთხელ აღევსოს,  
და, რაც მიედოს, ერთხელ ნატვრით,  
ისი ეკმაროს?

მაგრამ, რადგანაც კაცნი გვეკვიან —  
შვილნი სოფლისა,  
უნდა კიდევ მივდიოთ მას,  
გვესმას მშობლისა.  
არც კაცი ვარგა, რომ ცოცხალი  
მკვდარსა ემგსავსოს,  
იყოს სოფელში და სოფლისთვის  
არა იზრუნოს!

ნუ ვინ იტყვის ობლობისა ვაებას,  
ნუ ვინ ჩივის თავის უთვისტომობას,  
საბრალოა მხოლოდ სული ობოლი:  
ძნელდა პოვოს, რა დაკარგოს მან ტოლი!  
ოხვრა არი შვება უბედურისა!

სახელმწიფოსა სჯულის ერთობა  
არა რას არგებს, ოდეს თვისება  
ერთა მის შორის სხვადასხვაობდეს;

ესრეთ რას არგებს კაცსაც დიდება,  
თუ მოაკლდება თავისუფლება?  
თავის მამულში, მას გაკირება,  
სხვა და სხვა რიგად ენუგეშება:  
მუნ სულსა სული თვისად მიაჩნის  
და გულსა გულის პასუხი ესმის.

სასაცილოა ბერი კაცი, რომ ყმაწვილობდეს,  
და საბრალოა, რომს ჯაბუკი ბერიკაცობდეს!

მოკვდავსა ენას არ ძალუძს უკვდავთა  
გძნობათ გამოთქმა!

სოფლად ყოველსა აქვს ჟამი და ბოლო.

სილამაზეა ნიჭი მხოლოდ  
ხორციელების  
და, ვით ყვაილი, თავის დროზე  
მსწრაფლად დაქკნების;  
აგრეთვე გულიც, მხოლოდ მისდა  
შენამსკვალეები,  
ცვალებადა, წარმავალი  
და უმტკიცები!

შვენიერება ნათელია,  
ზეციით მოსული,  
რომლით ნათლდება ყოვლი გძნობა,  
გული და სული.

თვით უკვდავება შვენიერსა  
სულში მდგომარებს.

ყმაწვილობითვე შეჩვეული რაზედმე სული,  
ძნელადღა გარდაცვლის ჩვეულებას და, ვიდრე-  
მდის სრულიად გარდაეჩვევა, მწარეა ტანჯვა  
და ბძოლა მისი.

რას იფიქრებ, რომ ბოლო არა ქონდეს,  
ასეთს რას მიიღებ, რომ არ დაკარგო?

სხვათა ბედნიერებათა სოფლისათა უყურე  
გულგრილად, ამაყად, და გწამდეს, რომ იგი-  
ნი შეურჩენელნი არიან!

## ნიკოლოზ ბარათაშვილი და მისი პოეზია, მწერალთა დახასი- ათეებით.

### ნ. ნიკოლაძე.

ნ. ბარათაშვილის მოსიყვარულე სული, ბედზე  
ჩივილი და კაცობრიული იდეალებისკენ მის-



წრათება სულ არ ეთანხმება წინანდელი დროის ქართულ პოეზიას, რომელიც მხოლოდ სილამაზესა და სიყვარულს დამღეროდა. განსაკუთრებული თვისება ნ. ბარათაშვილის პოეზიისა ისაა, რომ მისი ლექსები ისეთი აზრით და გძნობით არი დაწერილი, ისეთი ძლიერი სიტყვებით გამოთქმულ-გამოხატული, რომ ღრმა ჩაბეჭდილებას ტოვებს. ამიტომ, თუ სახეში მივიღებთ ქართულ მწერლობის მდგომარეობას, ნ. ბარათაშვილის დროს და, განსაკუთრებით, მაშინდელ პოეტების აზრს, პოეზიასა და მის დანიშნულებასზე, — მაშინ სამართალია ნ. ბ. ქარ. მწერლობის ქეშმარიტ განმანათლებლათ. წინანდელი პოეტების ლექსები მხოლოდ, ღვინოსა და სატრფოს დატრიალებდა. თითქმის სულ-მნათი რუსთაველის შემდეგ, ვერც ერთმა ქართველმა პოეტმა ვერ შეითვისა და ვერ შეიხორცა ის აზრი, რომ პოეზია მხოლოდ სატრფიალო და ქალის სიყვარულის გამოსაკვანძათ არ არი გაჩენილი, მართალია, სხვა და სხვა დროს, გარეგანი ფორმა ლექსებისა ვითარდებოდა, ლექსი ტირილს — სიცილათ, აღტაცებულ აფრთოვანებულ სიხარულს — ვედრება-აჯათ გარდაქცევდა ხოლმე, მარა შინაარსით, აზრით მაინც ერთი და იგივე გამოდიოდა. იშვიათი იყო ისეთი მწერალი, რომელიც თავის ლექსებში, დრო-ჟამის ვითარებას და სიავსს შეხებოდა და არც ერთს, გარდა დ. გურამიშვილისა, არ გაუბედია გამოეთქვა ლექსებით ცხოველი აზრი თავისი დროის ცხოვრების სხვა და სხვა საგნებზე. მაშასადამე, ცხადია ასეთ მწერლობაში, რა დიდი მნიშვნელობა აქვს ისეთ ნიჭიერ პოეტს, რომელმაც პირველათ გაბედა გაემსჯვალა თავისი ლექსები დრო-ჟამის კოცხალი მოტივით და გამოეთქვა მაშინდელ საუკეთესო კაცთა გუმანი, გულის ნადები და მისწრაფებანი.

ნ. ბარათაშვილის ლექსის ფორმა და შემუშავებაც ორიგინალურია, თავისებური. მისი ლექსები, ისე ტკბილ ხმოვანია და ენერგიული, რომ იმათი მსგავსი არა დაწერილია რა ქართულ ლიტერატურაში. ნ. ბარათაშვილის არ-

უყვარს მრავალ სიტყვაობა. ამიტომ იმისი ლექსი გარეგან ფორმით ძლიერ მოკლეთ, მოჭრით გამოთქმულია და, საზოგადოთ, ისეთსავე ჩაბეჭდილებას მოახდენს მკითხველზე, როგორც ლექსნი რუსეთის დიდებულ პოეტ ლერმონტოვისა. ჩვენი პოეტის ლექსი, როგორც ლერმონტოვისა, ძლიერი და მკვეთრია, იმ გვართვე მოკლეთ გამოხატულია, წვრილმანების სრულ უყურათლებობით და იმნაირათვეა გამოკვერილი, თითქო ჩაქუჩსა ცემსო მკითხველს თავში და უნდა ღრმით ჩაუსვას, ჩააგონოს თავისი აზრით.

ნ. ბარათაშვილის ლექსები გარეგან ფორმით წლითი-წლობით უკეთესდებოდა, ვითარდებოდა და ძლიერდებოდა. უფრო მკვეთრი, უფრო ენერგიული და მოკლეთ მოჭრილი გამოდიოდა. 1845 წ. სიყვდილის წინათ, ხომ ისეთი ლექსი დაგვიწერა სულ-მნათმა, რომ თამამათ შეგვიძლია ხალხის პოეზიისა და გენიოსობის ნაწარმოებათ მივიღოთ.

## ჩემს ბოროტულს.

მახსოვს, მზის სხივებს ექსოვებოდა  
საგანთიადო ტკბილი სიმღერა,  
და მას ნაზ — ტკბილათ უერთდებოდა  
სწრაფვა სულისა და გულის ძვერა...  
ალთქმის ქვეყანას ვკვრეტდი შევებული  
და მისკენ ვკვროდი... ვკვროდი ფთა-შლილი...  
მსურდა-ცის თაღზე აყვავებული,  
მიწისთვის მეძღვნა სხივთ თაიგული.  
და, თქვენ, შემბორკეთ, ოხ, ბორკილებო!  
დაწვიეთ, დადაგეთ ყრმის ნორჩი გული...  
ჩამიკვრეთ სხივი, სინათლის მტრებო,  
და გამითხარეთ ბნელი ჯურღმული!  
შავ-ცხრაკლიტულში დამარხეთ ჩემი  
სიყმაწვილე და ახალ-გაზღობა...  
ოხ, ალთქმის ქვეყნის მწვანე მთის თხემი,  
ალარ ჩანს... ალარ... ჯანლი ედება!..  
ჰა, კვლავ მზათა ვარ, ოხ, ბორკილებო,  
გესლით აღსავსე მიმღერეთ ნანა!  
მარა, იცოდეთ, რომ საოცნებო  
კვლავ ესიზმრება სულს ის ქვეყანა!..

აბოლი მუშა.

1915 წ.



# სევდის აბლაბუდა.

\*) აბლაბუდას იმერეთში ობობას ეძახიან.

რედ.

ვერდიებდ მას და არა ვზოვე იგი,  
ვსადაღდ მას და არა მომიგამე.  
სოლომონ („ქება-ქებათა“.)

აბლაბუდა...

სევდის აბლაბუდა...

უჩუმრათ ეშვება ჩემს ოთახში და უჩუმ-  
რათვე აბამს ქსელს...

ისე გულ-დასმით, ისე ხალისიანათ აბამს  
ქსელს, თითქო ნორჩი სადღეოფლო მეცხედ-  
რეს ოქრომკედით უქარგავდეს ჯუბას თვის  
სასურველს თანამემცხედრეს გვირგვინოსან მე-  
ფეს...

მღშობს აბლაბუდა ნელა, მარა შეუსვე-  
ნებლათ, ქსელს თან და თან ასხვილებს, თან  
და თან ამაგრებს... ჩემ განწირულ ცრემლებს  
ყისინალათ ხმარობს და მისითა კრფეს ქსელის  
თვლებს, მუქ ძაფებს... აშაფებს და ასხვილებს  
აბლაბუდა ქსელს და უარესათ მიბნელებს  
მოკრუსულს ოთახს...

მძაგს, მეზიზღება ეს აბლაბუდა ისე, რო-  
გორც შეუძლია სიძულვილი ადამიანს, რომე-  
ლსაც, მის გარდა, არაფერი დარჩენია რა ამ  
ქვეყნათ...

მეზიზღება იგი... მარა ვერას ვაწყაფ მის  
წინააღმდეგ... ამოა გაბძოლება... ვერა ვწყვეტ  
ქსელსა... უფრო და უფრო ვიბლანდები შიგა...  
აი, უკვე დამენარცხა გულს და მიწყა სისხლის  
წოვა...

უჩუმრათ, უხმოთ მწოვს იგი სისხლს და  
არაეინაა შეეძლოლოს მას... არაეინა სურს  
შემოიხედოს ჩემს ოთახში და დაინახოს ეს სა-  
შინელება...

ყველა გვერდს მივლის... ყველა მარიდ-  
ებს თვალებს... თელი სიცოცხლე... თელი  
ცხოვრება მიმდინარობს ჩემ გარეშე... მას  
სრულებითაც არ აფიქრებს, რომ აქ, ამ ბნელს  
ოთახში, კაემნის აბლაბუდას ქსელში გახლ-  
ართულა ადამიანი, რომელსაც წყურია... ახ,  
რა ძლიერ წყურია სიცოცხლე...

ჩემ გარეშე მიმდინარობს ცხოვრება

ლამაზი სიზმრების ჩიტუნიებით და დიდათ  
წარმტაცი ჰანგების ყვაილებით...

იგი სრულებით არ მაჩნევს... არც ესმის  
ჩემი გამწარებული ძახილი...

დ. თურდოსპირელი.

16 დეკემბ. 1914 წ.

# ცირას სევდა.

მოცქრიალე და ლამაზმა ცირამ მეგობარი  
ინახულა.

იგი გულის ფანცქალით ელოდა მეგობრის  
სახელზე მოსულ წერილის მიღებას, რომელიც  
მისი გულის თქმას პასუხს გაცემდა და დაამშ-  
ვიდებდა.

მან წერილი მიიღო და გულ მოდგინეთ  
შეუდგა კითხვას. მარა იგი თან და თან დაღ-  
ონდა, პირისახემ დაკარგა აფთოვანებული  
გამოხატულება, წარბები შეიკრა და თვალებიდან  
მრისხანების წაპერწყლები გადმოაფრქვია.

იგი, თითქო შეკრთა, თმების კულულები  
შეისწორა და ჩაფიქრდა.

მეგობარი, მეგობრის განცთას უსიტყვოთ  
იზიარებდა და ვერ ეპოვა პასუხი მისი მანუგ-  
ეშებელი.

—რათ დაღონდით? კითხა, ბოლოს, მან.

—იცი, მე სიყვარულის აღმურს განვი-  
ცთიდი და იგი, ვინც ჩემი მეგონა, ახლა  
მოგონებათა სრბოლას უნდა მივცე და ეს  
წერილები, რომელიც შენ გადმომეცი, ჩემი  
გულის მწველ სამახსოვრო-განძათ უნდა შეე-  
ინახო, უთხრა მან მეგობარს და სივრცეს  
ნაღვლიანი თვალებით მიაცქერდა.

—თუ სიყვარულს განიცთიდი, ნუ თუ  
ახლა ის განცთა დავიწყებას უნდა მიცე? შეე-  
კითხა მეგობარი.

—იცი, ჩემო კეთილო, სიყვარული იბა-  
დება—სიყვარული კვდება და მანუდარდელათ  
გადიკისკისა.

—მაშ, რათ დაღონდით წინათ?

—განა ვერ მიხვდი? მაშინ მე დაობლების  
სიმწვავეს განვიცთიდი და მასზე მოვთქვამდი,  
მიუგო მან.

ვასო ჭითავა.



# სოფლათ!

კვალათ შენთან ვარ, შშობელო მხარეც,  
 კვალათ შენთან ვარ, შენთან ვარ კვალათ.  
 მიმიკარ მკერდზე, პირ-მომკინარეც,  
 რომ საყვედური არ დაგრჩეს ვალათ.  
 დიდი ხანია, შენ ხუჭუჭ თმებში  
 არ მისმენია ფრინველთ კიკიკი;  
 დიდი ხანია, შენ წყნარ ფიჭვებში,  
 რომ არ მინახავს თეთრი ბილიკი...  
 და, აჰ, მოვედი, რომ ძველებურათ  
 გემუსაიფო და გცე თაყვანი.  
 შენით ვადვიქვეც მე სალამურათ  
 შენი მთებია ჩემი აკვანი...

შენთან გაზდილვარ.. ჩემი ბავშობა,  
 ტურფავ, მე შენთან მიტარებია  
 და სათნოებით აღსავსე გძნობა  
 მე ძალზე შენთან შემყვარებია...  
 შენთან ყოფნის ღროს, მგონია ასე,  
 რომ ყვავილებიც მესალმებიან,  
 თითქოს ტყეც-კი მცნობს, ტყე მოხასხასე,  
 თითქოს ფოთლებიც თავსა მიხრიან,  
 თითქოს მდინარეც გაბრაზებული,  
 მესალმებოდეს კისკის ლიკლიკით...  
 თითქოს მწვერვალზე თალი დადგმული,  
 შე მპატიჟობდეს ზევით ბილიკით.  
 თითქოს მზეც მაშინ ჩემთვის მზეობდეს,  
 ვიმყოფებოდე ტურფა ბაღნარში,  
 თითქოს ზეციერთ ლოცვა მესმოდეს,  
 თავისუფლების წმიდა ტაძარში...  
 და, როცა ვერ გმზერ და, როცა შორს ვარ,  
 მტანჯავს ფიჭვები მოლიანდაგე,  
 თან ისეთ ძალას ავყავარ ზევით.  
 რომ ოცნებით მსურს შეგახო ბაგე...  
 ან რით გამოვთქვა იგი სიამე,  
 რაც, ტურფავ, შენთან მე განმცთია:  
 შემოღამება არი მოწამე,  
 რაც შენზე მითქვამს და მიფიქრია.

დ. ხილისთავი. 1916 წ.

ნ. ხენობნიელი.

## პირველი დეზიუბი. \*)

(დასასრული.)

აი, ვილაც, ჩემთვის უცნობი არსებაც  
 გამოჩნდა. უცნობმა ამხანაგს გადახედა და დაე-  
 კითხა:

\*) იხ. „ცხოვრება“, №14.

—ა? ამით, თითქოს მას უნდოდა მისთვის  
 ეკითხა: აბა, შეხედე, როგორ ტკბილათ ვალო-  
 ბს და როდემდის გსურს უსმინო მაგის ვალო-  
 ბასო. შემდეგ, მე მომმართა:

—ჩამოდი ძირს.

მე ადგილიდან არ ვიძროდი. ახლა-კი ეჭვი  
 შემეპარა, თუ როგორ ავანტურათან მივყავდი  
 თედორეს და თან და თან ვერკვეოდი, თუ ვინ  
 უნდა ყოფილიყვენ ჩვენი დამხედურები. სიბნე-  
 ლეში ვერც ერთის სახეს ვერ ვარჩევდი. თედო-  
 რეზე, რასაკვირველია, გული მომდიადა და  
 ცოტათი მეჩვენებოდა ის სილა, რომელიც მას  
 გასამჯელოთ უთავაზეს.

—ჩამოდი—მეთქი. —დაიღრიალა მან და  
 ძალით ძირს ჩამომიყვანა.—ეი, „ქარშხალო“,  
 მიუბრუნდა იგი ამხანაგს—აუხვიე თვალი.

მე პირველათ მინდოდა გავძალეობოდი,  
 მარა დავრწმუნდი, რომ ეს მხოლოდ ტყვილი  
 ცთა იქნებოდა და ნებას დავეყვი. ჩემთვის კი-  
 დევ გაუგებარი იყო, თუ რა მოხდა. ხდება ის,  
 რომ ცოცხალ ხალხს იტაცებენ, მარა იმათ ამ  
 ღროს ფულას იმედი აქვთ, რომ მათი სხვერპლი  
 გამოყიდული იქნება და მე კი, აბა, ვინ გამო-  
 მიყიდიდა, ან რით, კიდევაც რომ მოენდომებია  
 ვინმეს. ბედს ამით დავეჯილდოვებინე, რომ  
 სხვილი ფულის არა ვიცოდი რა. მაშ, რაში  
 იყო საქმე? თუმცა გულს ვაიმედებდი, რომ  
 იმათთვის დიდი განძი არ ვიყავი, მარა ასეთმა  
 მოულოდნელმა შეხვედრამ, ისე შემაკრთო, რომ  
 ცახცახმა ამიტანა. ჩემი საზაფხულო პალტო,  
 თითქო ღრო მიპოვაო, უარზე იყო გავეთბე  
 და ქარი შიგნით არხეინათ დასეირნობდა. ბო-  
 ლოს, გადავწყვიტე უცნობისთვის, რომელსაც  
 „ქარიშხალი“ უწოდეს, შეკითხა მათი ვინაობა,  
 ან რაში იყო საქმე. მარა, პასუხის ნაცვლათ,  
 რაღაც გასვრილი ტილოთი თვალი ამიხვია,  
 რამდენიმეჯერ შემომატრიალა ერთსა და იმა-  
 ვე ალაგას, ცოტა გამარონია და, როგორც  
 ჩანდა, სხვა ეტლში ჩამსვა. ვილაც ორი ამომი-  
 ჯდა გვერდში და წავედით. დიდხანს არავის  
 სიჩუმე არ დაურღვევია. ბოლოს, ერთი მათგა-  
 ნი მომიბრუნდა და მითხრა:

—შენ გინდა ვაიგო, ვინა ვართ, ან სად



მიგვყავხარ, არა? მაშ, კარგი, გეტყვი. მე ვარ ვანკა მახნატი... ეს-კი ჩემი ამხანაგია—„ქარიშხალი“. დარაჯებთან მოგვიხდა შეტაკება. ამხანაგი დამიკრეს. კვდება, მგონია... თურამე შეგიძლია, საჩუქარზე არ დაგწყვეტ გულს, თუ არა და ეშმაკსაც წაუღია შენი თავი...

—მე, რასაკვირველია, ყოველ ღონისძიებას ვიხმარ, ვუთხარი მე. მარა რათ არი, რო თვალი ამიხვიეთ? ამიხსენით თვალი, დაგიხახოთ მაინც.

—შენ ბებიაშენს უამბე მაგისანა ზღაპრები, გამაწყვეტია ვანკამ, როცა საჭირო იქნება, მაშინ გვიხილავ.

ამით ჩვენი ლაპარაკი შეწყდა. რამდენ ხანს ვიყავით გზაში, არ ვიცი. ჩანდა, სოფელში შევედით, რათგანც, მიუხედავად ნელი ნაბიჯისა, სიჩუმე დეარღვიეთ, რითაც ძაღლების ყუფა გამოვიწვიეთ. ეტლი ერთ ქობთან გაჩერდა. ვანკამ ძირს გადმოიყვანა და „ქარიშხალს“ გადამცა. თვით მიუბრუნდა მეეტლეს და უთხრა:

—აბა, დაიკარგე აქიდან. როცა საჭირო იქნები, მე გეტყვი.

ქობში შევედით. ვანკა უკან მოგვყვა.

### III.

შესვლისთანვე თვალს სახვევი მომხსნეს. ქობში ისე ბნელოდა, რო უფრო, რაღაც უცნაურ ხვრელს მოგაგონებდათ, ვიდრე ადამიანის სადგომს... ქვარტლისგან გალანჯულ კედლებს ზედ ჩამოწოლოდა დაბალი ქერი, რომელიც ბრუნდი სვეტით იყო გამაგრებული.

—სად არის ავათმყოფი? დავეკითხე მე.

ვანკამ გამქვარტლულ სანათს ამოუწია, რომელმაც იქაურობა ძლივს ვაანათა. მე გავეშურე იმ კუთხისკენ, სადაც გულაღმა, კვდარივით უძრავათ, ავათმყოფი ეგდო. იგი სისწრაფით სუნთქავდა. სანათის მკრთალი სინათლე, რომელიც ძლივს ატანდა გამქვარტლულ შუშაში, უფრო საშიშ შეხედულებას აძლევდა მის სახეს. მე მივედი მასთან და საბანი გადავხადე. საზიზღარი სანახაობა წარმომიდგა თვალწინ. ჯერ სიცოცხლით სავესე, 25-30 წლის ყმა-

წვილი კაცი, სიცოცხლეს ეთხოვებოდა. მის ლამაზ, ახალგაზდა სასიკვდილოთ გაყვითლებულ სახეს უკვე სიკვდილის ბეჭედი აჯდა. აქ ახალგაზდა ებძოდა სიკვდილს და დაუძღურებული მას ემორჩილებოდა. სასტიკი შესახედავი იყო მისი დახუჭული თვალები და სისხლისგან დაბევებული, ნახევრათ ღია პირი, რომლიდანც სტვენით უკანასკნელი სულის თქმა ამოდიოდა. ტყვია მოხვედრილი ქონდა მეორე და მესამე მარცხენა გვერდის წნელთა შუა, რომელიც გამოსულიყო იქვე მარცხენა კინკიბას ზევით და სადღაც ნიკაპ ქვეშ დამალულიყო. მომაკვდავი სისხლის ტბაში იწვა, რომელიც მის გამხმარ ქრილობებიდან კიდევ გამოდიოდა.

—თელი დღე ასე სდის. მოკლეთ ამიხსნა ვანკამ.

რა შემეძლო მისთვის შესაშვლებია? მისი გადარჩენა ხო მკვდრის გაცოცხლება იქნებოდა. სისხლისგან დაკლილი, იგი უკანასკნელ წუთებს ეთხოვებოდა. მე ჩემი ვალდებულება მაინც შევასრულე: ქირლობა მოვბანე და შევეუხვიე, რაც მასთვის უკვე ზედმეტი იყო. შემდეგ, ჩემი აზრი ვანკას გავუხიარე.

—მეც ვიცოდი, რო მოკვდებოდა, მოშიგო მან, თითქოს ადამიანზე ლაპარაკი სრულებითაც არ ყოფილიყოს და დამეკითხა:

—გასამრჯელო, რა მოგცე?

—გასამრჯელო? გავიმეორე მე გაკვარვებით. რის გასამრჯელო? და, განა, მე გავაკეთე რამე? მხოლოდ მიყავით სიკეთე და კაცი გამიტანეთ, რო გზა გამასწავლოს.

—მე თვით წაგიყვან, მიოხრა ვანკამ. მხოლოდ იცოდე, რო კრინტი არსად დაძრა, თუ სად იყავი.

—მაგას ვერ შეგპირდები, ვუთხარი მას. მე ვალდებული ვარ, მკურნალს მოვახსენო, თუ სად ვიყავი, ან როგორი ავათმყოფი იყო... თქვენთვის მაინც სულ ერთია, მე ხომ არ ვიცი, თუ სად ვარ, ან ვის სახლში ვარ. მე მკურნალს მხოლოდ იმას ვეტყვი, რაშია იყო საქმე.

—ეშმაკმა ზილოს შენითავი, როგორც გინდა, ისე თქვი, და მეორე ოთახისკენ გაბრუნდა.



— ბაბუა, ა, ბაბუ! გამოდი აქით. ოთხიდან გამოვიდა დაბალი ტანის მოხუცი, რომელიც კატასავით შეჩერებოდა ვანკას. აბა, ბაბუ, ეს ერთი, ეს ორი, სამი... საკმარისია? აბა, მაშ, ესეც ოთხი, ხუთი... ახლა-კი გეყოფა, უთხრა ვანკამ და მოხუცს უბეში ხუთი ას მანათიანი ჩაუტენა— ახლავე დამარხე აქვე სადმე, შენ ბაბუში, რომ არავინ გაიგოს, თორე, ვაი შენ. მე-კი შორს ვიქნები. ახლავე-მეთქი, ვიღრე სოფელი გაიგებდეს... აბა, „ქარი-შხალო“, აიდა! იგი კარებისკენ გაემართა. კარებში შეჩერდა. დაყოფილ ამხანაგის სულთმობრძავ სხეულს შეხედა. დიდხანს უყურებდა მას. ბოლოს, მის თვალთაგან ჩამოვარდა ორი ობოლი, სხელი ცრემლი, ცრემლი სინანულისა და ამხანაგისადმი სიყვარულისა. მან ჩაიჩოქა და პირჯვარი გამოისახა. აქ აღარ იყო ვანკა კაცის მკვლედი, ვანკა მკარცველი; იყო მხოლოდ ამხანაგი, რომელიც გულით წუხდა ამხანაგის სამუდამოთ დაკარგვას, იყო ჩვეულებრივი ადამიანი, რომელიც ღრთა ბრუნვას მხეცათ გადაეჭნა. იგი გიჟივით წამოვარდა ზეზე და გარეთ გამოვარდა. მეტუკან გამოვყევი. გამოსვლისთანავე ამიხვიეს თვალები. ვანკამ და სტეინა და, რამდენიმე წუთის შემდეგ, ჩვენ ეტლში ვიჯექით.

როცა ეტლი გაჩერდა და მე ძირს გადმომსხეს, უკვე რიყრავი იწყებოდა. სადაც ტი-ალ მიდორში ვიყავით გაჩერებული.

— აწ-კი, შვილობით, მითხრა ვანკამ; აქვე მარცხნივ არი გზა, რომელიც ნახევარ საათში მიგიყვანს სოფელში. ჩვენ-კი ჩვენ საქმეზე წავალთ... ასეთია ცხოვრება: თუჩვენ არ მოვასწარით, იგი თვით ჩვენ გაგვკჳლეთს. შვილობით!

ისე გულიანათ გამომეთხოვა ვანკა, თითქო დიდი ხნის მეგობრები ყოფილიყყო.

მე დიდხანს ვიდექი კიდევ მიდორში და მივჩერებოდი შორს, სადაც ვანკას ეტლი სიბნელეში ჩაინთქა. წავიდა ვანკა, რო თვისი საქმე გაეგძელებია... იქ-კი დატოვა სულთმობრძავი ამხანაგი, რომელსაც ისევ სულთმობრძავს ჩაადგებდა მიწაში პატარა მოხუცი, რომ ამით თვისი თავი გადაერჩინა... წავიდა ვანკა, რო ითარეშოს მანამდი, სანამ ამასაც არ გა-

გმირავს უსამართლო, დაუნდობელი ტყვია და ამასაც ისევ სულთმობრძავს არ ჩამარხვენ შავ მიწაში...

უკვე გათენებულიყო, როდესაც საავთ-მყოფოში დავბრუნდი და ის, რაც ვანკას ვუთხარი, შევასრულე.

გ. ალი.

ქ. ხარკოვი.  
XI. 1915 წ.

„ტ ზ ა“\*)

მოქმედება მეოთხე.

(სურათი)

(კეთილადის ეზოს მოურებლობა ამჩნევია: იქ-აქ ღობე ჩატეხილია, სცენა თან და თან ბნელდება. სახლიდან გამოდის ნინო, ცალ ხელში სანათი უკავია, მეორეში-წყლიანი ღოქი, მიდის სახლისკენ და მიწაზე ჯდება.)

ნინო.— (სახლისკენ)— ქეთო, ცავ, გა-მეიტანე, შვილო, ბარალმა იი ქაღი და ღობე და გამოი! (თავისთვის) უფ, უფ, უფ, რა სიცხეა ამელამ? დეილოცა, ღმერთო, შენი დიდება! მოვხუციდი ქალი და ამისანაი ტაროსი არ მომსწრია ჯერე (პაუზა). ეხ, ღმერთო დიდებულო, რა დაგიშავე, ღმერთო, მე უბედურმა, რომ ასე უკუღმა დაატრიალე ჩემი ოჯახი! ქმარი მყავდა და ხიდან ჩამოვადე და ქი წამართვი, ერთი ბიჭი მყავს და, ამდენი ხანია, არც ავი ვიცი მისი და არც კაი, ერთი ძროხა მყავდა და იგიც გუშხამ ხრამში გადამჩენხა. ჰე, უფალო, დეილოცა შენი ხსენება, რა მართუაი ჩემზე მეიცალე, შე დალოცვილო? (ცოტა პაუზა). ნეტაი, მისი ქირიმე, გერმანე დამიბრუნდებოდეს მშვილობით სახლში და აფერს არ ვჩივი.

(გამოდის ქეთო და გამოაქვს ქოთნით ღობილი, ქაღი, წვანილი და სხ. ნინო ქადს დატეხს, ღობიოს საინზე გადმოარჩებებს და ვახშობენ.)

ქეთო.— (პაუზის შემდეგ)— ნენა, დღეს დილას, შენ რო სახლში არ იყავი, მართაიე გამეიარა ჩვენს ალაგესთან, დამინახა და მითხრა: წაყევი, დაია, წაყევი მოჩხუბარიძეს, თვარა უკეთესს, სანთლით რომ ეძებო. თელ ჩვენ მუხუ-

\*) იხ. ცხოვრება № 16.



როში, ვერ იშოვიო. მე მეტი ვეფერი ვერ ვუთხარი: მე რა მეკითხება, მართა, ყველაფერი ნენაის საქმეა-მეთქინ.

ნისო.—კიდემ არ შეხსენებ იი კუდიანი? ათასჯერ ვუთხარი: მოჩხუბარიძეს ციკას ვერ მივცემ—მეთქინ და ვეღარ გეიგონა? ცხონებული მამაშენის სიცოცხლეში რო მოხერხებულიყო, სულო ცოდვილო, მაშინ ქი მინდოდა, მარა ახლა მაი ყოვლათ მოუხერხებელია! ვის უნდა მივცე ციკაი, ვის? მარტუაი ვაფხე კილ აზნაუშვილს? აბდალაი ვარ, თუ რაი? სხვას როთავი დავანებოთ, მაზე ძალიანი ფინთი ხმებია: ქურდს იმას უძახიან და პლუტს. (ქეთო თავს ჩაქინდრავს).

ქეთო.—წინათ-კი მეჩიჩინებოდი—მოჩხუბარიძე ამფერია-იმფერიაო: ეცადე, ცავ, თავი მოაწონეო და ძალაი ჯინზე ახლა წახდა და მიელო ბოლო? ახლა ქურდიცაა და პლუტიც!

ნისო.—ღმერთო, გამაგდებე სული და ქია! რავა, რას უტრობს ამას ჩემი დასაფსები უტრები? აპა, გოგოვ, მე აფერი-სიკეთე მღობებია შენთვის? აღარ იცი, შენ საშიწვევ, რო მაშინ სხვაი დროი იყო და ახლა სხვაია? მაშინ მამაშენიც ქი იყო ცოცხალი, მარა ახლა შავ მიწას ქვეშაა. რამ დაგიკარქა, ცავ, იხტიბარი, შენ მიწა გასახეთქელო, რამ? არა გცხვენია ქე მაინც, ამაზე ლაპარაკი? მომკალი ვიცხამ და ქია! ამის მეტი ციკაი არ მყავს; კოკლი არაა, ბრუციანი, სანთლით ვეძებ მაგია საქმროს, სანთლით, ეგება, ღმერთმა ქნას და შეძლებული ვინმე ვნახო—მეთქინ. მაი-კი მაგას ფიქრობს. ფუ, შენ ქალობას, რა უკუყო შენა ხარ. (პაუზა) დეილოცა, ღმერთო შენი სახელი და დიდება! (ადგება, ჯვარის სახეს გამოხატავს). ადე, ადე, ქალავ, დავწვეთ და მტერს მიეცა შენისანაი ჰკუიანი ქალი. ადე, ხვალე იალონზე უნდა ავდგე, სხვაგან ვარ წასახვლედი! (აიღებს დოქს და სანათს და სახლისკენ მიდის. ცოტა ხანს ბნელა. შემდეგ, ნელ-ნელა ამოდის თვარე. ქეთო თავჩაქინდრული ზის).

ქეთო.—(თავს აწევს).—რა ვქნა აწი, რავა მიძაგაგებს, აი, გული? რაცხა ძალიან მეშინია. რაფერ ვქნა, რომ არ ვიცი? წავალ და

ეწობი და აღარ გამოვალ მასთან. მარა მართაიამ მითხრა, თუ ამელამ კიდემ გააწბილე მოჩხუბარიძე და პაიმანზე არ გადიო, მერე, მშვიდობით, ძალიანიც რომ ეხვეწო, თვალზე აღარ დაგენახებო. მართლა, რო გული ეცრუოს ჩემზე, რალა ვქნა მაშინ? არა, არა, უსათუოდ, უნდა ვნახო, მარა ნენამ რო შემიტყოს, ხო დევილუბე. არა, რაც იქნებავნახე. ვეტყვი: მეც მიყვარხარ, მარა ნენაი არ მანებებს და რა ვქნა-მეთქინ. გუშხამ რო წერილი მომწერა, იმაში წერია: ჩემო მზეო, ჩემო თვარეო, ქეთო რატომ გამამწარეო? უშენოთ თავი ცოცხალი არ მიწდაო, შენი სიყვარულით ღამე ძილი არ მაქვს და დღეი მოსვენებო. მას, თუ ასე უყვარვარ, რავა, მე რეიზა არ უნდა მიყვარდეს? მეც ქი მიყვარს, მარა ნენაი რომ არ მანებებს? არა, რაც მომივა-მომივა: უსათუოდ, ვნახავ და ყველაფერს ვეტყვი. დავით ხომ უცხო ვინმე არ არის? ერთმანეთს ვნახავთ, მეტი ხომ აფერი იქნება? (სახლიდან ისმის ნინოს ძახილი). ქეთო ცავ, სად დეიკარქე ამდენ ხანს? (ქეთო წამოდგება) მოვალ, ოჯო, მოვალ! (აიღებს ქოთანს, საინებს და სახლისკენ წავა. კარებში ნინო შეხვდება)

ნინო.—აგერ მომე მაგინი, აგერ, შენ ახორიდან შემოი და კარები ჩამეირახე.) (ქეთო ქოთანს და საინებს გამოართმევს—და კარს მიიკეტს.)

ქეთო.—(აღაგესკენ იცქირება).—ოხ, ღმერთო, როგორ შეშინია! ეგება, არც-კი შევიდეს, ეგება, კიდევ მომატყუა! არა, ამას რავა იზამს, რავა მომატყუებს? ჰო, როგორ მიცემს გული? ღვთისმშობელო, შენ ხარ ჩემი მოწყალე! (სახლიდან კვლავ ისმის ნინოს ძახილი). «ქეთო ცავ, გამეიარე!» ქეთო შედის ახორში და კარს ნახევრათ მიიხურავს. ცოტა ხნის შემდეგ, გზაზე გამოჩდება დავით, ეზოში ჩადის, ფეხ-აკრეფით მიიპარება და სახლის კუთხეში აეტუხება.)

დავით.—(აყურებს)—არაფერი ისმის. ნუ თუ არ გამოვა? როგორ დავიჯერო? არა, ეს შეუძლებელია,—მეტი მოთმენა აღარ შემიძლია! არ გამოვა და მე თვით ვესტუმრები.



რა დამაკავებს? ამ ჯარგვალას-კი არა ციხეს დავანგრევ. შევალ შიგ და, მერე, მე ვიცი, დედაბერმა, თუ ღრინი დაბერა, ზედლოგინზე დავაკლავ, იმას-კი, მერე, რაც მინდა, იმას ვუზამ. სულ ერთია, ხვალ, თუ ზევ თფილისში მოვადენ ფხეკას. რა მენადვლება: ცა ქუდათ მაქვს და მიწა — ქალამნათ! (კიდევ მიაყურებს). ოხ, როგორ გადამაყოლა ამ წყეულმა, როგორ? რა ხერხი და ოინები არ ვიხმარე, მარა არ იქნა და ვერ ჩავივდე ხელში! დღეს შემოკუთვალე-თუ ამელა პაიმიანზე არ გამოდი, იმით მივხვდები, რომ აღარ გიყვარვარ და, მერე, მშვიდობით, ცოცხალს ველარ მნახავ მეთქინ. (იღიმება) ჰმ, საწყალობელი! შართლა. თუ, ნეტა, ფიქრობს, რომ მიყვარს, ცოლათ შევირთავ? მართალია, ერთ დროს ვფიქრობდი მის ცოლობას, მხოლოთ რამდენიმე დღით და არა სამიღღემჩიოთ. სიყვარულის-კი არაფერი ვიცი. ჩემის აზრით, სიყვარული მხოლოთ ისაა, როცა ვინც მოკვწონება, იმას ჩაეკონები გულში. (აყურებს) სსსუ, რაღაც ისმის, ვგონებ, მისრულდება კიდევ დიდი ხნის წადილი. (ახორიდან გამოდის ქეთო. დავით სიხარულით) აა, ახლა-კი ჩემი ხარ! (მიირბენს მასთან, ხელს მოხვევს და უნდა ჩაეხუტოს, მარა ქეთო გაუსხლტება).

ქეთო. — ვაიმე, მაი, რავე შეიძლება? ჯერ როგორც და-ძმაი ისე, უნდა ვიყოთ!

დავით. — როგორ, თუ და-ძმაი, ქეთო? რა დროს მაგია? განა შენ ექვი შეგდის ჩემს სიყვარულში? განა არ გიყვარვარ? მაშ, აქ რაღაიზა მომიყვანე?

ქეთო. — რეიზა ამბობ მაგას, დავით, რეიზა? რავე არ მიყვარხარ. მარა ჯერ ჯვარი უნდა დევიწერთო! (დავით ველარ შეითქენს, გადაეხოვა და ძალით აკოცებს. ქეთო გაუსხლტება ხელიდან) ნენაია, ჩემი სიკვდილი და ქია რავეა, რა ქენი მაი დავით, რა ქენი? (სახლში შესვლას დააპირებს, მარა დავით წინ გადაელობება.)

დავით. — ქეთო, ჩემო სიცოცხლე, ჩემო ანგელოზო, ნუ თუ ერთ კოცნას იმადლები? განა ეს არი შენი სიყვარული? შენი გულისთვის ზღვაში გადავარდები; თავს დავი-

ხზოფ, შენ-კი ჩემთვის ერთ კოცნას იმადლები. ასე, თუა მე წავალ, გავშორდები, თვალზეც-კი არ დაგენახები! (ეთომ წასვლას დააპირებს.)

ქეთო — (ტირილის ხმით). — რეიზა ამბობ მაგას, დავით, რეიზა? შე... მე ისე ვთქვი, ჯვარის დაწერამდი — მეთქინ, თვარა...

დავით — (გახარებული). თვარა... გიყვარვარ ხომ? მაშ, რათ მაწვალებ? განა სულ ერთი არაა? ხო ჩემი ხარ? ძალით იქნება, თუ ნებით დედაშენს დავითანხმებ და ჯვარსაც აღრე დავიწერთ.

ქეთო. — (შეკრთება) — ვილაც მოდის, მგონია! (დავითი ხელებს მოხვევს).

დავით. — ნუ გეშინია, გენაცვალე, მე აქა ვარ! შენ თავს ღმერთსაც არ დავანებებ! (გაგვივებით კოცნის, შემდეგ, ხელში აიტაცებს და ბაღში შეყავს).

სანდრო გურული.

(შემდეგი იქნება.)

(ფ ა რ დ ა)

### ქორწილში.\*

თქვენთვის, ბატონო, რასაკვირველია საჭირო არ არი, გაამოთ თელი ჩემი აუტანელი ცხოვრება კატორღაში... ეს იყო ნამდვილი ჯოჯოხეთი: ადამიანის გონებას არ შეუძლია წარმოიდგინოს მეტი რამ საზარი, მეტი რამ აუტანელი... მარა ჩემზე, პირადათ, ყველა იმ ტანჯვას, რომელსაც კატორღა მაყენებდა, იმდენი გავლენა არ ქონდა, რამდენიც ქონდა ერთ რამეს: მე დღე და ღამთვალ — ცრემლიანს, მუდამ მაგონდებოდა ჩემი ქვევანა, ის ადგილები, სადაც დავიბადე და აღვიზარდე, ის არემარე, სადაც ჩემი ბავშობა-სიყმაწვილე გავატარე, სადაც ნათესავ-მოძმეები, მტერ-მოყვარე, ტოლ-ამხანაგი მეგულებოდნენ, მახსოვდა და უზომოთ მიყვარდნენ ყვე თანი და ყველაფერი, ვინც და ან, რაც ჩემ მშობელ ქვეყანაში, ჩემგან ნაცნობი და ნახული იყო.. შესაძლოა, თქვენთვის დასაჯერებელი არ იქმნეს, მარა მე მიინც მოგახსენებთ, რომ ძილის დროს, მუდმივი

\* იხ. „ცხოვრება“, № 15.



ჩემი სიზმარი, ხოლო ცხადში-კი თვალ წინ წარმოსადგენი და მარად სანატრელი ჩემი ქვეყანა და მისი არე-მარე იყო.. მარა ყოველივე იმედი დაკარგულათ მიმაჩნდა და მე სრულებითაც აღარ მოველოდებოდი, რო კვლავ მეღივრებოდა ოდესმე ჩემი ტურფა ქვეყნის და ჩემიანების ნახვა.

სწორეთ შორეულ აღმოსავლეთში, ომის დაწყების დროს, გათავდა ჩემი კატორღის ვადა. გავთავისუფლდი თუ არა კატორღიდან, ციმბირის ერთ პატარა მიყრუებულ ქალაქში დავბინავდი. ძნელი იყო მაშინდელი ჩემი მდგომარეობა: არაფრის არა მქონეს, ჩაუცმელ დაუხურავს, მშვიერ-მწყურვალს ნაცნობ-მეგობარი, რასაკვირველია, იქ არავინ არ მყავდა, სამუშევარიც არაფერი არ აღმომიჩნდა და ვიყავი უზომოთ გაჭვრებული. მარა მიშველა ღმერთმა და ამ გვარი ჩემი მდგომარეობა მალე უკეთესით შეიცვალა: ერთმა ადგილობრივმა ვაჭარმა მუშათ დამიჭირა და მით უსაქმოს საქმე და მშვიერს პური გამიჩინა. ამ ვაჭარს ბევრი საქმე ქონდა, სხვათა შორის, მოქმედ ჯარს სასაკლავო საქონელს აბარებდა. მე ხშირათ მიხედებოდა, ვაჭრის საქმეების გამო, ჯართან დაახლოვებით ყოფნა. ამ დაახლოვებით ყოფნაში-კი სახედრო ცხოვრებას შემაჩვია და, უნდა გამოვტყდე, რო მეომრის ყოფა-ცხოვრება ძლიერ შემეყვარდა.

მოვიწადინე ჯარში მოხალისეთ შესულ-ვიყავი. მე დიდი სიამოვნებით მიმიღო მოხალისეთა მაშინდელმა უფროსმა, დაწვრილებით გამომკითხა ვინაობა.. რასაკვირველია, მისთვის მე არაფერი არ დამიძალავს, ყველაფერი ვუამბე, ვუთხარი ისიც, რო კატორღა გამოვლილი მქონდა. მიზეზიც ავუხსენი ჩემი კატორღაში ყოფნისა.

მოხალისეთა უფროსმა ამათვალისწინებ-თვალისწინებ და ჩემი გარეგნობით დარწმუნდა, რო გამოსადეგი ვიქმნებოდი და კიდევ ჩამრიცხა თავის რაზმში.

ჩვენ რაზმში სულ ათი-ათუთხმეტი ქართველი მოხალისეები ვიქმნებოდით. ესენი ჩემებ კატორღა და როტა გამოვლილები იყვენ... ახლაც-კი მიკვირს ერთი რამ: აქ, სამშობლოში

მათგანს ერთსაც არ ვიცნობდი, არც ისინი მიცნობდენ მე და იქ-კი, უცხოეთში პირველ შეხვედრაზედვე ჩვენ ერთმანეთისთვის არა თუ ნაცნობი შევიქენით, ნათესავებიც გავხდით, ძმები, მეგობრები... გულმა გული იცნო და სულომა-სული. თუმცა, ომიანობის გამო, მუდამ საფთხეში ვიყავით და სიკვდილსაც წამ და უწუშ მოველოდებოდით, მარა ერთათ ყოფნა ჩვენ, ყველას, ამ გვარს მდგომარეობას გვიადვილებდა.. გვიადვილებოდა მძიმე მდგომარეობა მით უფრო, რო თითოული ჩვენთაგანი რალაც ბუნებრივ სუყვარულს ვეძნობდით ერთმანეთისადმი და ძმური მზრუნველობითაც ვეპყრობოდით ერთმანეთს.

მახსოვს, ერთი შემთხვევა: ზვერვის დროს ჩვენი რაზმი, (უმეტეს ნაწილათ, მზვერაობას ეწეოდა), ჩასაფრებული მტრის რაზმს წავატყდით, ხელ-ჩართული შეტაკება მოგვიხდა და, ბოლოს, თუმცა ჩვენ გავიმარჯვეთ და მტრის რაზმი ერთიანა გავწყვიტეთ, მარა ჩვენ, ქართველებმა ერთი საუკეთესო ამხანაგი დავკარგეთ. ეს იყო მეგრელი. საბრალო სასიკვდილოთ დაიჭრა. ჩვენ, გადარჩენილი ამხანაგები, შემოვერტყით გარს უიმედოთ დაჭრილს მოძმეს, იმედს ვაძლევდით. მარა თითოული ჩვენთაგანის მწუხარება უზომო იყო; რათგან ცხადათ ვხედავდით მის უმწეო მდგომარეობას. ის, თუმცა გაჭირვებულ მდგომარეობაში იყო, მარა კიდევ გვითხრა: „მშვიდობით, ძმებო! იყავით კარგათ და გფარვიდეთ ღმერთი, გიყვარდეთ ერთმანეთი და ნუ დაივიწყებთ თქვენს ქვეყანას, თქვენს ლამაზს სამშობლოს.. გახსოვდეთ, რომ ის დედაა თქვენი და თქვენ მისი შვილები და ერთმანეთის-კი ძმები ხართო; ღმერთმა რომ ამ უცხოეთში ბატონობა მოგცეთ, გული მაინც სამშობლოსკენ იქონიეთო! ბოლოს, ესეც-კი გვთხოვა საბრალომ! „ვიცი, აქ მე მიწის მიუბარებლათ არ დამტოვებთ, მარა, თუ მოახერხოთ ომის გათავების შემდეგ, წაიღეთ ჩემი ძელებო და იქ ჩემ სამშობლო მიწას მიაბარეთო!..“

ჩვენ აღუთქვით და მომაკვდავთან ფიციც-კი დავდევით, რომ ამ სურვილს მას, უეჭველათ, შევუსრულებდით. მარა გავგიტყდა ფიციც



რათგან ის არე-მარე მტერს დარჩა და, შემდეგ, ჩვენთვის მიუვალი შეიქნა იქაურობა...

არ ვიცი, თქვენ გამოგითვით თუ არა, სამშობლო ქვეყნის გარეშე ყოფნა. მარა მე-კი ჩემი საკუთარა გამოცთილებით ვიტყვი, რომ სამშობლოს გარეშე იძულებითი ყოფნა დიდი რამ, აუტანელი სასჯელია... მუდამ თვალწინ გელანდება შენი მშობლიური არე-მარე, შენი მოძმე-თანამემამულეები, მტერ-მოყვარე... მზათ ხართ, თითქმის ყველაფერი დათმო, ოღონდ კი ისინი ნახო, შენს ქვეყანაში დაბრუნდე... მარა ვერ ახერხებ ამას, რათგან არა გაქვს ამის საშუალება... საშინელი მდგომარეობაა...

მე ერთი რამეც შემინიშნავს: უცხოეთში ადამიანი, ვთქვათ, დიდ ხანს დარჩა. სულ ერთია ეს დარჩენა იძულებითი იყო, თუ საკუთარი სურვილით... ბოლოს, ახერხებს სამშობლოში დაბრუნებას, ის მიეჩქარება, შილის იქ... მარა შემდეგ, სულ მცირე დროისა, კვდება და ებარება თავის მშობლიურ მიწას... აქ შესამჩნევი ისაა, რომ მშობელი არე-მარე რჩიდავს და იწვევს თავის შვილს, რომელიც უკანასკნელათ უნდა ჩაიკრას მან გულში და სამუდამოთაც მიიბაროს...

შეიძლება, ვინმემა თქვას: სიკვდილ-სიცოცხლე, სადაც უნდა მოხდეს, სულ ერთიაო. მარა ეს არ არის მართალი, რათგან სამშობლოს სიყვარული ბუნებრივი-თანშობილი ძალაა და, ამ სიყვარულით შექნილი თანშობილივე ძლიერი მიზიდველობა სამშობლოსადმი ადამიანისა ამ თქმას არ ამართლებს...

ბევრი, ძილიან ბევრი მაგალითი ვიცი მე ამ გვარი: დიდი ხნით ცხოვრობდნენ უცხოეთში, ქონებაც შეიძინეს იქ, ცოლ-შვილიც გაიჩინეს; მათ ადრე ფიქრათაც არ ქონდათ სამშობლოში დაბრუნება, მარა იგძვნეს თუ ერა აღსასრულის მოახლოვება, მათ დატოვეს უცხოეთი, აიყარნ და დაბრუნდნ თავიანთ სამშობლოში... დაბრუნდნ მხოლოდ იმისთვის, რომ მათ უხილავათ იწვევდა მშობლიური მიწა, რომელსაც, სიკვდილის შემდეგ, ივინი უნდა მიეზარებინა და, ამ გვართ, უკანასკნელათ გაეწია მათთვის დედობა.

ჩვენ რაზმში ერთი ოსიკ იყო. ხშირათ იტყოდა ხოლმე ის: არაფერი არ მინდა, ოღონდ ჩემ ქვეყანაში დაბრუნება მეღირსოს და იქაურ მიწას მივებარო.

ამ გვარია, ბატონო ჩემო, ადამიანის ბუნება! ომის დროს, უფროსების ყურაათლება დავიძახებურეთ, რათგან ჩვენ ვალდებულობას კარგათ ვასრულებდით და, ამის გამო, კიდევ მივიღეთ უფლება სამშობლოში დაბრუნებისა. სწორეთ ხელმეორეთ დავიბადეთ იმ დღეს, როდესაც ეს გამოგვეცხადა. სიხარულით არც-კი ვიცოდით, რას ჩავდიოდით, ერთმანეთს ვკოცნიდით, ვულოცავდით ბედნიერ შემთხვევას...

რასაკვირველია, ამის შემდეგ, ჩვენ დიდ ხანს აღარ დარჩენილვართ იქ და ყველანი ერთ დროულათ გამოვემგზავრეთ სამშობლოსკენ და აქ-კი, როცა ჩამოვედით, დავლოცეთ ერთმანეთი და ჩვენ-ჩვენ სოფელში წავედ-წამოვედით.

მას აქით სწორეთ ორი წელიწადია და მე არც ერთი მათგანი აღარ მინახავს. მარა, დარწმუნებული-კი ვარ, რომ ისინიც ჩემებ ბედნიერი იქნებიან: თუ მოკვდა რომელიმე, თავისიანები დაიტირებდნ და თავის მშობელ მიწას მიეზარებოდა და ცოცხალი-კი ჩემებ თავისიანებში ღხინი და ქირის თანახმარი იქნება და ეს-კი, ბატონო ჩემო, დიდი, დიდი ბედნიერებაა!...

— გყავთ ვინმე აქ მახლობელი ნათესავი? — შევეკითხე მე.

— როგორ არა, მკვიდრი ძმები მყავს და, ეგეც რომ არ იყო, ჩემი მეზობლები ჩემთვის იგივე ძმები არ არიან? მე უცოლ-შვილო ვიყავ თავიდანვე და, რასაკვირველია, არც დღეს მყავს ცოლ-შვილი: ცუცხოვრობ ძმებთან, მათი შვილები ჩემ საკუთარ შვილებათ მიმაჩნია და მიყვარან კიდევ... მეც, თითქმის ყველას მივაჩნევარ აქ და ბატონსა მცემენ. მარა მარტო ამით არ ვარ მე ბედნიერი. ბედნიერი ვარ, განსაკუთრებით მით, რომ ვეღირსე ჩემ დიდათ საყვარელ სამშობლოში დაბრუნებას და, რომ ჩემივე საყვარელი მშობლიური მიწა, სიკვდილის შემდეგ, მიიბარებს მე...



სტუმრები ძალზე შემთვრალნი ხმაურობით, სიმღერით აიშალენ სუფრიდან და ბევრმა, მათგანმა ცეცხლს მოაშურა; ბაასის გავძელება შეუძლებელი შეიქნა და ამისთვის ნიკოც გაჩუმდა.

IV

მას აქით კარგა ხანმა გაიარა. მე ვაღმა სოფელში აღარ ყოფილვარ და არც ნიკო ნაციმბირალი შემხვედრია სადმე. მხოლოდ წარსულ ზამთარში, ჩვენ სოფელში მთიდან დამშეული ნადირი ჩამოვარდა და სოფელი აგვიწიოკა.

თუმცა-ღა დროული ვარ, მარა, როგორც ძველი მონადირე, სხვებთან ერთად მეც დავედევნე თოვით ჩვენ დამრბევ ნადირს. ვაღმა სოფლამდი, გვადევინა იმ წყეულმა და იქ-ქი მოგულეთ მას ბოლო. დაღამდა. შინ დაბრუნება ღამით ძნელი იყო და ამიტომ ჩემი ნათლული ანდროს სიმამრს, ივანა გოროზაშვილს ვეწვიე ღამის გასათევათ.

ივანიას ჩემი სტუმრობა ძლიერ გაუხარდა. იმ ღამეს გამიმასპინძლდა და კარგათაც დამაბინავა. მეორე დღეს, ნიკო ნაციმბირალი მომაგონდა და ივანიას მისი ამბავი ვკითხე.

— ცოცხალი აღარ არი, შემოდგომაზე გარდაიცვალა, მითხრა ივანიამ.

ძლიერ მეწყინა...

— ავით სულ არ ყოფილა, საღდაც შეციენოდა; თავის ძმისთვის ეთქვა: მოძღვარი მომგვარე და მეზობლებიც მაჩვენეო. ყველანი მივედით ქალ-კაცობა. სასიკვდილო, თითქმის არაფერი არ ეტყობოდა, კარგათაც ლაპარაკობდა... მშვიდობით, ძმებო და დებო! — გვითხრა, დაგვლოცა ყველანი... გასაკვირველი ისაა, ზოგიერთივით არ ეშინოდა სიკვდილის. — მის გასვენებას თელი სოფელი, დიდი და პატარა, ქალიან კაციან დავესტარით და, აი, იმ ჩვენი ეკლესიის გაღვანში მისი დედ-მამის გვერდით, შავპარეთ მიწას! — დაათვა ივანიამ.

გამოვემშვიდობე მასპინძელს და ჩემი სოფლისკენ გავსწიე.

თავ-თეთრი.

ილია ჭავჭავაძე.\*)

ნ. ბარათაშვილმა თვისი პოეტური ზოღა-წეობა დაიწყო ოცდა ათიან წლებში და, ჩვენ-და სამწუხაროთ, გაათაღა 1845 წ. იგიც უგალობდა სიყვარულს და ტრფიალებას, ხოლო იმ გასხვავებით, რომ იგი უფრო სულის შეენიერებას ხდიდა ტრფიალების საგნად, ვიდრე ხორცისას...

ნ. ბარათაშვილმა გაწმიდა სიყვარული და სიყვარულში სულიერობას უფრო თაყვანს ცემდა, ვიდრე ხორციელობას. იგი მით იყო უფრო ძლიერი ღირიკაში ალ. ჭავჭავაძესა და გრ. ორბელიანზე, რომ მისნი გულისთქმანი, მისნი გძნობანი, მისნი ჭირნი და მწუხარებანი უფრო საყოველთაო, საკაცობრიო არიან, ვიდრე კერძონი, ვიდრე მარტო მისი საკუთარი გულისანი. მისი კენესა კაცობრიობის კენესაა, მისი ჩივილი კაცობრიობის ჩივილია, მისი მიწვდენა სურვილის კაცობრიობის უღონობაა, რასაც გამოთქვამს ლექსში „შემოღამება მთაწმიდაზე“...

ნ. ბარათაშვილს ხშირათ მოდიოდა ფიქრათ საყოველთაო საკითხი, რომლის პასუხსაც იგი ეძებდა მარტო თვის გულში-კი არა, თელი კაცობრიობის გულში, რასაც გამოთქვამს ლექსში „ფიქრი მტკვრის პირთ“...

ცხოვრების ამოების ფიქრმა აღრე იჩინა თავი იმის გულში, რასაც ამბობს „ხმა იღუმალში“. ამისანა „იღუმალი ხმა“ ხვედრია მარტო მისი, „ვისაც ცეცხლი სული აქეს და ზღვა გული“, როგორც თვით პოეტი ამბობს ნაპოლერზე.

საზღვარ დადებული სიგძე-სიგანე ადამიანის აზრიანობისა ჩვენი პოეტის „სულის კვეთებას“ ვერ იტყვს. მას წყურია ეს საზღვარი ბედისა გაარღვიოს და „ნიაგს მიცეს თვისი შავათ მღელვარე ფიქრი“, რომ დაუსრულებელი სივრცე ცისა და ქვეყნისა მოიაროს, ბაირონის კაინმა ამისთვის ლიუციფერი აიჩინა; გეთეს ფაუსმა — მეფისტოფელი და ჩვენმა პოეტმა თვისი „მერანი“, ესე იგი, თვისი სულთ ქროლა.

ეს მსუსხავი და მწვაფი ქროლა გონებისა, ადამიანის ამღვრეულ გულის ქარტეხილისგან მოვლენილა. განა საკმაო მიზეზი არ არის ასე-

\*) კრიტიკა და ნ. ბარათაშვილის ნაშთის გადმოცვენება თფილისში. გ. იოსელიანისა, უადგილობის გამო, ამ ნუმერში არ იბეჭდება. რედ.



თი თავგაწირულ სულის კვეთებისა და ეს სულისკვეთება, განა ზოგად კაცობრიული არ არი? მაშ, მაშინ არც ბაირონის დიდებული და ზარიანი ქეჩა-ქუხილი ყოფილა ზოგად კაცობრიული? განა ერთობ მოუსვენარი ცხოვრება ადამიანისა, რომლის ეჭვით აღვისილი ჰქუა დღემუდამ ტაძარს აწმენებს რწმენისას და ისევ თვისი ხელითვე აქცევს, იმავ სადგომს მყუდროებისას არ ითხოვს, რასაც ჩვენი პოეტი? განა ამ დაქცევა შენებით დაღალული გული კაცობრიობისა, ქვეყნის დაწყებიდან დღეინდლამდი, არ ეძებს მოსვენებისთვის სადგომს და მავ სადგომის პოვნა განა საყოველთაო წყურვილი არ არი ზოგად კაცობრიული? განა ვაება კაცობრიობისა ის არ არი, რომ მიზეზი აქვს ძეზნისა და ვერ უპოვია? აი, სად არი სათავე ადამიანის სასოწარკვეთილებისა, ის თავგანწირულებისა, ქუაგონების არვისა, ყოველიფრის უარყოფისა, რომელიც ზოგჯერ, ხანდახან, ასე დაიპყრობს ხოლმე თელ მოაზრე კაცობრიობას და მღელვარის ფიქრებით ავსებს ადამიანის ცხოვრებას...

ამ სახით, ნ. ბარათაშვილმა ჩვენს აზრს, ჩვენ გულისთქმას, ჩვენ ქუაგონებას დიდი განი და სიღრმე მიცა, კაცობრიობის წყურვილს ქართველიც თანამოაზრეთ ვაუხადა და კაცობრიულ წყურვილის მოსაკლავ წყაროს ქართველიც დააწაფა. ამ მიმართულებას ჩვენის აზროვნებისას ნ. ბარათაშვილის შემდეგ, არც ერთი მწერალი აღარა ყოლია ჩვენში და სწორეთაც, რომ ვთქვათ, ბაირონები, ლერმანტოვებიც მარტონი არიან და მემკვიდრეებს იშვიათად ტოვებენ, რათვანც ტვირთი მათებ კაცების მემკვიდრობისა „არ არს სუბუქ“.

### პროფესორი ალ. ცაგარელი

„ნიკოლოზ ბარათაშვილი დგას ჩვენ ლიტერატურაში, ერთად-ერთი, განცალკევებული; არც თვით მისდევდა ვისგანმე დაქნილ ბალიქს და ვერც არავინ, იმის შემდეგ, იმისგან თელილ გზაზე გაიარა; ის არ საჭიროებდა სხვის მიბაძვას და იმას-კი ვერავინ მიბაძა; თავისთვის, თვითვე გაქრა გზა და, იმის სიკვდილის შემ-

დეგ, იმის კვალი ისეთივე უვალი მიდორი შეიქნა, როგორც ადრე იყო. ვილაცამ თქვა, რომ ნ. ბარათაშვილი ჩვენი ბაირონი არისო. — ამ სიტყვებში, მართლა და, ბევრი ქეშმარიტება არი და არც არაფერია სათაკილო ამ შედარებაში ინგლისის დიდ პოეტისთვის: ისიც ისეთივე მაღალი და მიუბაძვია პოეზიისა და ხასიათის კილოთი, როგორც ესა. კაცი, თათქმის ყოყმანობს ღრმათ ჩათუთქულ მოძმეს, გულით ქირისუფალს— „ქართველი“ დაუძახოს. მე არ მინახავს ჩემ დღეში ქართველი, წარბ-შეკრული სამოქალაქო გძნობისგან და მაღალი კაცობრიულ აზრებისგან შეკომლილ სახით.

„თუ თვალს გადავაველებთ, ნ. ბარათაშვილის რკინისა და ფოლადის ლექსებს, მაშინთვე წარმოიდგენთ კაცს, რომელიც ყვილაზე მაღლა დგას გძნობით, ნიჭით და ხასიათით, — იაღბუზივით მიუკარებელი... მაღალი, შორს გამჭვრეტი, ყველა მხარის მხედველი, მუდამ თავ და შუბლ წაბურული, როგორც იაღბუზი, მარად ვარემოხვეული გულის მკვლელი და მომწყვლელ სევდის ნისლითა...“

„ამ ჩვენი სასიქადულა პოეტის ლექსებზე ღენაზე ის უნდა თქვას კაცმა, რაც იმის საკვირველ ბუნებაზე ითქმის: გძნობის ძალით და სიმაღლით, ქეშმარიტ პოეტურ წარმოდგენით, თავისუფალ ძალ დაუტანებელ ლექსის მიმდინარობით, მტკაცვეთ და ცხადათ საგნის გამოხატვით, სულთქმა-გულისთქმათა გამოთქმით, პოეზიის ყოვლად შემზრველ კილოთი, რომელიც პირდაპირ მკითხველის გულს ეტანება და სწორეთ იმას აგძნობიებს მკითხველს ან მსმენელს, რაც პოეტს უნდა ეგძნობინებია, — ყველა ამ გასაოცარ დიდ პოეტურ თვისებათ, ვამბობთ, ძნელი შესადარებელია ის ყველა დანარჩენ ქართველ პოეტებთან, შოთა რუსთველის ვარდა.“

„ქართული ენა ნ. ბარათაშვილის ლექსებისა დიდათ დახელოვნებული და შემუშავებული არის: არც სულ ძველი, არც ახალი, არც მწიგნობრულ ხუტური, სწორეთ ისეთია, როგორც უნდა იყოს ლიტერატურის და პოეზიის ენა. ლექსთა-წყობა შეცნიერია; რითმა



გასაკვირველი ხელოვნებით არი გამოთქმული... პირდაპირ გულის სიღრმიდან წყაროსავით მოჩუხჩუხებს გამაცხოველებელი გძნობა და პოეტური წარმოდგენა... ამის ლექსი შეეცება ყველა ნაირ საგანს. მარა, რაც გინდა ქალწულოვან და დამატკობელ საგანზე უნდა დამღეროს, მაინც და მაინც რაღაც ნაღვლიან სევდის კილოს გაადგენებს; რაც უნდა ერთმანეთის წინააღმდეგ საგნებზე ლექსობდეს, მაინც ენასაც და ლექსის კილოსაც იმგვარათ შეუფარდებს და შეუწონს ლექსის საგანს, რომ კაცს უჭირს წარმოიდგინოს, თუ ერთსა და იმავე კაცს შეუძლია სრულიათ წინააღმდეგ გძნობების ასეთი ხელოვნებით გამოხატვა და გამოთქმა; კაცს უჭირს დაიჯეროს, რომ ლექსების: „სულო ბოროტო“, „ჩემს მერანს“, ან „ფანტაზიის“ ავტორს ამ გვარი ქალწულოვანი ლექსები დაეწეროს, როგორც „მადლი შენ გამჩენს, ღამაშო ქალო, შევ-თვალეზიანო“ და „თვალეზი“.

### გ. თუმაანიშვილი.

პოეზიას, თუნდაც უფრო კულტურული ქვეყნებისას, ძალიან იშვიათად მოუტია ისეთი ბწყინვალე წარმომადგენელი, როგორც იყო ბარათაშვილი. იგი იყო არამც თუ უდიდესი ტალანტი, არამედ იმავე დროს, სინათლის სხივი იმ დროის შაბლონურ სპარსულ კილოზე გაბერილ სანტიმენტალურ პოეზიის ნაწარმოებთა სიბნელებში. მდებარი და ძლიერი ლექსი, ღრმა, როგორც უკვანე, — მწუხარება მებძოლისა, რომელიც ვერ იცნო საზოგადოებამ, თავგანწირული სიყვარული კაცობრიობისადმი — ყოველივე ეს იყო, ისეთი უჩვეულო საოცარი რამ 30-იან და 40-იან წლების ქართულს და არა მარტო ქართულს ლიტერატურაში, რომ ადვილი წარმოსადგენია თელი ის სიმწარით საესე ფილა, რომელიც შესვა ბოლომდი უდროოთ დაღუპულმა პოეტმა.

უპირველესათ ყოვლისა, აცვიფრებს ყველას ბარათაშვილის ზნეობრივი ფიზიონომია; თვისი დროის პირების საზოგადო ტიპთან მსგავსებით. იგივე ქარბი სულიერი ძალღონე და აღმაფრენა, იგივე ცხოვრებაში იმედების

გაცრუება და გულის გატენა, ბაირონიზმი პოეზიასა და სინამდვილეში და, ბოლოსკი, ნამდვილათ გაშმაგებული გატაცება ბწყინვალე საზოგადოების ქარა-ფშუტობით. პეიორინები და ლერმონტოვები მისდევდნ სამხედრო სამსახურს, რომელიც იზიდავდა მათ თვისი თავგადასავლით და მღელვარებით, და ნ. ბარათაშვილსაც საშინლათ სურდა იგივე მოღვაწობა. არც კანცელარიას და არც საპოლიციო სამსახურს, რასაკვირველია, არ შეეძლო პოეტის დაკმაყოფილება და მასაც გაგიჟებით სურდა შეერთებოდა საზოგადოებას და ეცხოვრა ერთად მასთან მისი ცხოვრებით.

მას, რომელიც სადაც-კი შედიოდა, შექონდა ღხენა და სიხარული, იცის ღრმით ჩაფიქრება და მოწყენა, საწუთროს წყველა და შეჩვენება. და, ამას გარდა, თვისი ძლიერი ლექსებით მკითხველს გვრის უსასოწარკვეთილეს სევდა კავშანს. მისი პოეზია — არის უდიდესი საღმრთო არმონიული, მარა მით არა, ნაკლებ სამგლოვიარო ჰიმნი.

### ვ. წარეთელი.

რომ შევადაროთ ნიკოლოზ ბარათაშვილის რომანტიზმი შატობრიანისა, ბაირონისა, პუშკინისა და ლერმონტოვის რომანტიზმს, ამოვანთ, რომ შატობრიანის გმირებს ცხოვრების მოყირქების მიერ წარმოშობილი სევდა კლავს; ბაირონის ტიპები წარმოდგენენ ტიტანებს, რომელთაც, წაწყმედილი აქვთ რწმენა, მარა შეუპოვრათ ებძვიან ცხოვრებაში გამეფებულ ტრდიციებს და სამოქალაქო მონობას. პუშკინის ევგენი ონეგინს და ლემორტოვის პეიორინს ცხოვრება, მოყირქებული აქვთ და სიცოცხლის მიზანს ვერა პოებენ.

ნ. ბარათაშვილს-კი, თუმცა ცხოვრების ამოება აღელვებს და აწუხებს, ყმაწვილის „ბრმა სარწმუნოება“ დაკარგვია, მეგობრობაც-კი აღარ წამს და სულით ობოლს უწოდებს თავს, მარა იმედი მაინც გულში უღვივის, დამის პოეზიაში სულ სხვაგვარი, უმანკო, ნორჩი, ქაბუკური არ მოყირქებული, მსასოებელი და ნუგეშმომცემელი ხმა ისმის.



ეს არი ქართული რომანტიზმის ნიშნობლივი თვისება ნიკოლოზ ბარათაშვილიდან დაწყებული, აკაკი წერეთლის პოეზიამდე.

და დღეს, თუ რომანტიზმის დრომ გაიარა და რეალური მიმართულების ხანაში შევდგით ფეხი, რომანტიზმი — აუცილებელი წინამორბედი ლიტერატურული საფეხური იყო. და, თუ ჩვენ თაობას რაინდული, კეთილშობილი, ზეაღმაფრენი ეროვნული და სოციალური სწრაფვა და იდეალები დანერგილი აქვს გულში, წყარო, რომელმაც ეს სწრაფვანი და იდეალები წარმოშვა და აღზარდა, შოთა რუსთველის, ნ. ბარათაშვილის, ილია ჭავჭავაძის, აკაკი წერეთლისა და სხვა დიდი მწერლების რომანტიზმი.

### ი. გომართელი.

ნიკოლოზ ბარათაშვილი ის სახელია, რომელსაც მოწიწებით, თავყანისცემით უნდა იხსენებდეს ყოველი ქართველი, თუ-კი მას ქართველობისა შერჩენია რამე. ნიკოლოზ ბარათაშვილი ის პირია, რომელითაც უნდა ამაყოფადეს ყოველი ქართველი, ვისაც-კი ესმის, თუ რა არის ეროვნული სიამაყე.

ნიკოლოზ ბარათაშვილი ის სახელია, რომელიც ძლიერი სისპეტაკის სხივით ანათებს ჩვენ შავბნელ ცხოვრებას და ყოველ ქართველს, რომელსაც-კი თვისი სამშობლოს სეზებედი აფიქრებს, აღონებს, უკიდურესი სასოწარკვეთილების დროსაც-კი ამხნევენს და გულს იპედით უფსებს. — და მართლაც, უკულო, უსულო, უკულტურო ერი ნიკოლოზ ბარათაშვილს ვერ წარმოშობს. ამისანა შეილები მხოლოდ დიდ-ბუნებოვან, დიდ-სულოვან და მაღალი კულტურის ერებსა ყავთ...

საქართველოს პოლიტიკურათ სიკვდილმა პოეტს თვალწინ დაუყენასაკითხი მამულის ყოფნა-არ ყოფნისა. ეს საკითხი თელი ჯვისი სიძნელე საშინელებით პოეტის წინ იყო ამართული და რამდენათაც უფრო ძნელი იყო საკითხის გადაწყვეტა, იმდენათ ღრმა იყო ბარათაშვილის სევდა და სულიერი ტანჯვა.

როდესაც ქველი სოლომონი ეუბნება ირ-

აკლის—რო ქართველებს არად მიაჩნის უბედურება, თუ აქვთ თვის ქერქვეშ თავისუფლებაო, ეს სიტყვები ნიკ. ბარათაშვილის სიტყვებია...

მარა არ გეგონოთ, რომ პოეტის იდეალი წარსული იყო. არა. პოეტი უპირატესობას აძლევს მშვიდ მოქალაქობრივ ცხოვრებას და სწავლა განათლებას. მარა წარსულში არის ის, ურომლისოთაც სამშობლოს დიდება და ბედნიერება პოეტს ვერ წარმოუდგენია... სამშობლოს უბედურება გამოწვეულია პოეტის ფილოსოფიური პესიმიზმით განაყოფიერებული და იმის გძნობიარე გულში ვალევიებული სევდა თან და თან გადიქვევა სოფლიო მწუხარებათ და ბარათაშვილის ნიჭის სიდიადეც სწორეთ აქ აშკარავდება. ეროვნულ ნიადაგზე მან შექნა სოფლიო სევდით, საკაცობრიო გძნობებით გამჭვალული პოეზია.

ნ. ბარათაშვილის ტანჯვა თელი საქართველოს ტანჯვაა. პოეტის გულის კენესა თელი საქართველოს გულის კენესაა. ბარათაშვილის სევდა თელი საქართველოს სევდაა. პოეტის ობლობა და მარტობა თელი საქართველოს ობლობა და მარტობაა. პოეტის შავი ფიქრები თელი საქართველოს შავი ფიქრებია. ბარათაშვილის სულიერი დრამა — თელი ჩვენი მამულის სულიერი დრამაა.

ბარათაშვილი გულია საქართველოსი. საქართველოს უნუგეშობამ, ქარაველი ხალხის სულის კვეთებამ, გულის კენესამ და სევდამ ბარათაშვილში პოევს თვისი ნამდვილი გამოხატულება.

და დღეს საქართველოს განყენებულ იდეას რო შეეძლოს ჩვეულებრივის ადამიანურის ენით დალაპარაკება, იმავე სევდას, იმავე ამაოებას, იმავე ობლობას, იმავე განწირულ სულის კვეთებას, იმავე გულის კენესას მოგვითხრობდა, რითიც გამჭვალულია ბარათაშვილის პოეზია.

ბარათაშვილის სევდა დღესაც შავი ზეწარივით გადაფარებია ჩვენ ბედ-კრულ სამშობლოს. ნუ თუ არაოდეს არ გაიფანტება ის? ნუ თუ არაოდეს არ შეიცვლება ბედნიერი ქართველი ერი მხიარულ სიმღერათ?!



### მეორე ჩემი ეპისტოლე დეკანოზ იოსებ წამათლის მიმართ.

საულო, საულო! რას მდევნი მე? საქმე მოციქულთა.

მაკურთხეთ, მამაო დეკანოზო, რათა კვლავ გარდმოვიდეს მაღლი თქვენი ჩემზე და ჩემგანც მიიღეთ მამაშვილური ამბორი თქვენ ნაკურთხ წვერზე.

როდესაც თქვენი უკანასკნელი ეპისტოლე მივიღე, მამაო იოსებ, საგონებელში ჩავვარდი და თავი მივეც სინანულს. მერე, მეყვსეულათ წამოვდექი, გავშალე პატარა ხალი, რომელსაც დილაობით, ლოცვის დროს, ვხმარობ, დავიჩოქე ზედ, აღვაპყარ ხელები ზეცათ და გულისა სიხარულითა ლოცვაში ასე გალობდა ენა ჩემი: „ნუ გეშინის, რათა კვლავ იხილო თვალითა შენითა დეკანოზი იოსებ, კიცვა ზედა ვირისასა მჯდომარე, მოჩინდრიკობდეს ეშმაკისა ცოფით შეპყრობილი. უფალო ყოველისა შემძლებლო! განასხი მისგან ეშმაკი და განკურნე იგი და განბანე იგი საბანებელსა მას სილოამისასა, რათა ბრმა იგი, ხედვიდეს“.

გავათავე, თურა პირველი ლოცვა, მამაო იოსებ, გადავედი მეორე საგალობელზე: „ნუ მისცე, უფალო, სიტყვისაებ შენისა, სიწმიდესა ძალთა, ნუცა დაუფენ მარგალიტსა შენსა წინაშე ღოართა, ნუ უკვე დასთურგნონ იგი ფერხითა მათითა და მოიქვენ და განხეთქენ შენ“.

ფიქრობ, მამაო იოსებ, უფალო შეისმინა მხურვალე იგი ჩემი ვედრება და განკურნათ თქვენ და ამისთვის მეც განვიზრახე პასუხის გაცემა.

თქვენი პირველი ეპისტოლე რო მივიღე მარტში, მე მაშინვე გაახელით პასუხი, რათგან მივხვდი, რა სენით ბძანდებოდით შეპყრობილი და მორიდებით გირჩევდით გელოცათ. მეგონა, ლოცვა და მეტანიები კარგათ იმოქმედებდენ თქვენზე და იმ ლოცვაში გთხოვდით მე ცოდვილიც არ გამოგეტოვებინეთ. იმ დროს, მე ცოტა უქეიფოთ ვგძნობდი თავს და ლოცვა-კურთხევა ჩემთვის ძალიან საჭიროც იყო.

როცა უკეთ შევიქენი და, მერე, სრულიათ მოვჩი, მე თქვენ ლოცვას ვაწერდი ამ

გარემოებას. ფიქრობდი: ვიშოვე საკუთარი მლოცველი, დეკანოზი იოსებ და აწი არაფერი მიჭირს-მეთქი. თურმე, შემცდარვარ. თქვენი სენი უფრო გაძლიერებულა. ეს მისთვის მოხდა, რო ჩემი რჩევისთვის თქვენ ყური არ გიგდიათ.

ლოცვის მაგიერ, თქვე დალოცვილო, ამ რვა თვის განმავლობაში, სულ შარა გზაზე გივლიათ და ვინც-კი უსაქმო კაცი შეგხვედრიათ, ყველასთვის გიკითხავთ ჩემი ვინაობა და იმათგან შეთხუხული ჩემზე ქორი, თქვენ ქეშმარიტებათ მიგილიათ. მერე, აბძანებულხართ არქიელის შთაზე და იქ საექვო ცნობები შევიკრებიათ ჩემ მამაზე და ამით ფიქრობთ ლელოს გატანას.

თქვენი ანაფორის ქვეშ, მამაო იოსებ, აქით-იქით მე თავებს ვხედავ თქვენი მეგობრებისას, რომელნიც გაბრიელის სისუსტიით და ავათმყოფობით სარგებლობდენ...

მე რო მოცალემა მქონდეს და ხალხის არეულობის არ მეშინოდეს, ამ უშაქრობის დროს, ხელს ხელში ჩაგვიდებდით, მამაო იოსებ და არქიელის გორაზე გავასეირნებდით. იქ არა ერთ სახლს ვნახავდით იმ ვაჟ ბატონებისას, რომილნიც ახლა მამაჩემზე საექვო ცნობებს გაძლევენ. მარა, ვიმეორებ, არც მოცალემა მაყვს და ხალხის „ბუნტისაც“ მეშინია...

ამისთვის იყო, რო თქვენ და თქვენმა მეგობრებმა, როგორც-კი დავიწყე ილ. ხონელზე წერა და ვახსენე მისი დამოკიდებულობა ეპ. გაბრიელთან, მაშინვე მოყვეით ძველებურ განგაშს: გაბრიელს შეეხო და, არიქა, მივაყაროთ ქვა და გუნდაო. თქვენ გეგონათ, აგყვებოდათ ძველებურათ ქუჩა, და ამ დავიდარაბაში უმთავრესი სავანი ჩემი საუბრისა მკითხველთან, — დაიმარხებოდა. შეცდით, დრონი იცვალენ.

თქვენ ბნელ საქმეებს ვერაფერი დაფარავს. მე ხონელის ცხოვრებას ვწერდი, ვიგონებდი ჩემ საყვარელ მიცვალებულებს და თქვენ-კი, როგორც ქელეხიდან დაბრუნებული, გადამიქვრით გზა და ყელში მეცით კიჟინით: „არ ვაბედო გაბრიელზეო“.

გძნობთ, უთუოდ, დანაშაულობას, რომელიც მიგიძღვით, როგორც გაბრიელთან, რო-



მელსაც ატყვილებდით, ისე იმათ წინაშე, რომ მელთაც აბეზლებდით განსვენებულ ღვდელ მთავარს.

შეგიძლიათ დაწყნარდეთ, როგორც თქვენ, ისე თქვენი მეგობრებიც, რომელნიც ახლა საეკო ცნობებს გაძლევენ ხონელზე და მის მამაზე.

თქვენ, ისე მცირე ვინაობები ბძანდებით, რომ თქვენზე ლაპარაკსაც არ ვიკადრებ. სად გაგონილა ლომებზე მონადირე, მელა და ტურაზე ნადირობდეს?! თუ ამ გვარ მონადირეებს ვხაში პატარა მხეცებიც შამოაკვდა, უცაბედ შემთხვევას უნდა მივაწეროთ, უმნიშვნელო ნადირების დახოცვა.

სასაცილო არ არი, მამაო იოსებ, რომ თქვენ იცავდეთ ებ. გაბრიელს და აძაგებდეთ ღვდელ ლუკა ბახტაძეს, რომლის სიცოცხლეში, თქვენ ღირსიც არ იყავით მისთვის ფეხის საბელი გაგეხსნათ და ბოროტ-მოამქმედათ — კი იხსენიებდეთ?!

გესმით ამ სიტყვას მნიშვნელობა? ჰოი, საესეო ყოვლითა ზაკვითა და მანკიერებითა, მართლა, რომ შეიღო ეშმაკისაო და მტერო ყოვლისა სიმართლისაო?..

თქვენ, როგორც გაბრიელის დაახლოვებულს, თვით აცხადებთ, მის კრებულში ვიყავიო, თორე მე არც თქვენი ვინაობა ვიცი და არც ის ბედნიერი კუთხე ჩვენი ქვეყნისა, რომელსაც სასუფეველისთვის ამზადებთ. არ შეიძლება, თქვენ არ იცოდეთ ნამდვილი მიზეზი ებ. გაბრიელის და ღვდლის ლუკა ბახტაძის არა კეთილ-განწყობილებისა! იცით, რომ გორ არ იცით, მარა თქვენთვის არ არი ხელსაყრელი ნამდვილი ამბავის გამოქვეყნება და ამისთვისაა, რომ ყოველთვის, როდესაც შემთხვევა გეძლევათ თქვენ და თქვენ მეგობრებს ფარისევლურათ დანაბავთ თვალებს და სხვის გასაგონათ ამბობთ: „დმერთმა შეუნდოს ხონელს ცოდვები გაბრიელის წინაშეო.“

„ჰოი, ნაშობნო იქედნეთანო! ვითარ ხელგეშეფების კეთილისა სიტყვათ, რამეთუ თქვენ უკეთურნი ხართ“ და როდემდის ივლით ამ გვარი პირბადით?

მე, თქვენ დასაჯერებლათ კი არა, მკითხველის გასაგებათ, ილ. ხონელის ცხოვრების აღწერაში, რომლის გაგძელებაც მალე დაიბეჭდება, ვრცლათ ვეხები, როგორც ხონელის დამოკიდებულებას გაბრიელთან, ისე მამა ჩემის განწყობილებას განსვენებულ ღვდელმთავართან. ყველა დოკუმენტების ასლები, რომელნიც შეეხებიან მამაჩემს, ზოგი დედანი, გაბრიელის ხელით დაწერილნი, ხელთა შაქვს. ისინი მამაჩემის ქაღალდების გარჩევის დროს, მისი არქივიდან ამოვიღე. ასე რომ, ჩვენ შეგიძლია ნამდვილი ამბავი წარმოვუდგინოთ მკითხველს იმ დევნისა, რომელსაც მამა ჩემი განიცდიდა ებ. გაბრიელისგან და რომელიც გაგძელდა შპ წელს და რომელსაც ბოლო მოეღო მხოლოდ გაბრიელის სიკვდილით... ვიმეორებ, ეს ამბავი ვრცლათ არი ნაამბობი ილ. ხონელის ცხოვრების აღწერაში, ჯადაც მისი მშობლების ვინაობას ვეხები. ახლა იძულებული ვარ, შემოკლებით ვუამბო მკითხველს ეს სამარცხვინო ეპიზოდი ებ. გაბრიელის ცხოვრებიდან.

როდესაც გაბრიელი განწესდა იმერეთში ღვდელმთავრათ, მამა ჩემი დაიხლოვა და ხონის რაიონის ბლადოჩინობა მიცა. მამა ჩემს იმ დროს და დიდხანს მერძეც იმერეთის, საღვდელოება თავის კრებებზე თავმჯდომარეთ ირჩევდა. გაბრიელი მხოლოდ იმას ნიშნავდა, სხვა და სხვა სამოქალაქო დაწესებულებაში, იმერეთის სასულიერო მთავრობის წარმომადგენლათ, როგორც შეგნებულ და ნიჭიერ ღვდელს.

იმ დროს, მამა ჩემს სკოლა ქონდა თავის სახლში. ეს სკოლა ერთად-ერთი სასწავლებელი იყო იმ დროს თელ ქვემო იმერეთში. სკოლა მამას ეზოში ქონდა, ცალკე სახლში. რათგან საქმე გადიდა, ბევრმა სწავლის მსურველმა მოიყარა თავი, მამამ განიზრახა სკოლა შვაგულ სოფელში გადაეტანა. ამისანა ადგილი ხონის მოედანი იყო. რათგან ეს ადგილი საეკლესიო კუთვნილებას შეადგენდა და საეკლესიო ადგილების გამგებელი-კი იმერეთის ეპარქიის უფროსი იყო, ამისთვის მამამ თხოვა გაბრიელს, საშვილიშვილო იჯარით მიეცა მისთვის, რეასი კვარდრატი საჯენი მიწა, სკოლის სახლის დასა-



დემელათ. გაბრიელმაც დააკმაყოფილა მამის თხოვნა და კანტრახტი შეუკრა, 12 წლით, კატრახტის განახლების უფლებით. ეს ამბავი მოხდა 1862 წ. როდესაც სკოლა დაიხურა, სამინისტრო სკოლის დაარსებით, იმ ადგილზე მამა ჩემს ვასაქირავებელი სახლი დადგა. ეს შემუშრდათ ზოგიერთებს და მათ შორის, იმ ადგილის მახლობელათ მცხოვრებს; ღვდელ ბესარიონ ჩხენკელს. აი, აქიდან იწყება გაბრიელის დევნა მამაჩემისა სიკვდილამდის. ამ ჩხენკელს ცოლი ყავდა ახვლედიანის ქალი, მაკრინე. თქვენ კარგათ მოგეხსენებათ, მამაო იოსებ, რა გავლენაც ქონდათ ახვლედიანებს და მათ ქალებს გაბრიელზე. ამ მაკრინეს გაბრიელი ერის კაცობაშიაც იცნობდა და დადიოდა მასთან. ეპარქიის გამგეთ რა განაწესეს გაბრიელი იმერეთში, იგი ხშირი სტუმარი შეიქნა მაკრინესი. მაკრინეს ქმარი კიდევ ამყობდა თავის მეუღლის მეგობრობით მათ მეუფებასთან. მხოლოთ გაბრიელს მაკრინე აყვედრიდა ამ მეგობრობას და, სამაგიეროთ, თხოვდა სამსახურში წარმატებას და დაჯილდოებას. გაბრიელისთვის, როგორც მოგეხსენებათ, მაკრინეს ქმარის ამ მხრივ დაკმაყოფილდება ადვილი იყო. რათგან მისი დაჯილდოება და ორდენების მიცემა მას ეკითხებოდა და მისთვის ადვილი ასასრულებელიც იყო ეს აი, ამ მაკრინემ მოისურვა მამაჩემისთვის საიჯარო ადგილის წართმევა. მაკრინემ შეჩივლა გაბრიელს: ლუკას ახალმა სახლმა ჩემი ეზო და სახლი დაჩდილა და დახურაო, გარდმოსავალი გზა ეკლესიასთან შემიკრაო და სხვა. ეს საჩივარი მაკრინეს, სულ უსაფუძლო და სიმართლეს მოკლებული იყო, რათგან მაკრინეს საკუთარი გზა ქონდა, რომელზეც გაბრიელიც გადიოდა და ბევრი სხვაც და ლუკას სახლი არაფერს უშლიდა მას. მოგეხსენებათ, მამაო იოსებ, გატატაჩებულ დედა კაცს ყველაფერი თუ არ აუსრულებთ, სტუმრათაღარ მიგიღებთ. გაბრიელმაც მოიხმო ღვდელი ლუკა ბახტაძე და წინადადება მიცა, ნახევარი იმ ადგილისა ბესარიონ ჩხენკელისთვის დაეთმო. მამაჩემმა უარი მოახსენა. ან რათ უნდა დაეთმო, რათგან მას ხელ შეუკრულობა ქონდა იმ ადგილზე სასულიერო მთავრობასთან.

გაბრიელმა უკანასკნელ საშვალებას მიმართა, მაკრინეს დასაკმაყოფილებლათ: მოთხოვა მამას იმ ადგილის კანტრახტი წარედგინა მისთვის. გაბრიელს უნდოდა კანტრახტის დახევა, იჯარის გაუქმება, ადგილის ჩამორთმევა და, მერე, ბესარიონისთვის გარდაცემა ადგილისა და მასთან ახალი კანტრახტის შეკრა. მამა ჩემმა იცოდა კანტრახტის მნიშვნელობა და ნამდვილი სარჩული გაბრიელის ჯერეთ თხოვნისა, მერე მუქარისა, რომ ნახევარი იმ ადგილისა ჩხენკელისთვის გარდაეცა. რათგან მამამ გაბრიელის სურვილი არ აღასრულა, სამაგიეროთ, გაბრიელმა აიძულა იგი. ჩამოხადა ბლალოჩინობა, სანახავათაც არ იღებდა, არა თუ მას, არც სხვებს, ვისზეც გაიგებდა, ლუკასთან კარგ განწყობილებაში არისო. თქვენ-კი, მ. იოსებ, დაუფიქრებლათ ამბობთ, გაბრიელმა ბლალოჩინობა ბოროტ მოქმედებისთვის ჩამოართვაო. თუ ბოროტ მოქმედება ყოფილიყო, გამოძიება უნდა დაენიშნა გაბრიელს. ამის მსგავსი-კი არაფერი ყოფილა. ასეთი შეუწყნარებელი ხასიათი ქონდა გაბრიელს...

მოგეხსენებათ, მამაო იოსებ, როგორ გავრცელებულია ქორი და ენის მიტან-მოტანა ბერებში და, საზოგადოთ, საღვდლოებაში. შეიქნა დასმენა და ენის მიტან მოტანა. ბესარიონ ჩხენკელი, კაცი მეტათ ჩერჩეტი, მასთან საოცარი ინტრიგანი, გზაში იყო გაბმული ხონისა და ქუთაისის შვა, მიქონდა ქორები გაბრიელთან: დღეს ლუკამ ასე შემომხედა, თქვენი მადლი ნუ გამიწყრება, რალაც ცუდი განზრახვა უნდა ქონდესო. მოწმეებსაც დაასახელებდა. ერთი სიტყვით, ბრბო შედგა გაბრიელის ირგვლივ. დღეს ერთი დაასმენდა ათვალთვალეულ კაცს, სხვები მოწმეებათ დაუდგებოდნენ, ხვალ მეორე დამბეზლებლათ წავიდოდა გაბრიელთან და გუშინდელი მამბეზლარი, დღეს მოწმეთ იყო. ასე აკეთებდნენ თავიანთ საქმეს ეს ბნელი ძალები. დაბეზლებულს გაბრიელი ახლოსაც არ იკარებდა. ნათქვამი ქონდათ ინტრიგანებს, არ მიიღოთ, თქვენო შეუფებავე, თორე მოგვკლავსო. ამ ბნელ ძალებს კარგი გაწყობილება ქონდათ, როგორც გაბრიელის კრებულთან, ისე მის მდივანთან.



ასეთი იყო ის აშშორებული ატმოსფერა, რომელიც გამეფდა ეპარქიაში გაბრიელის მართვის დროს. ასეთ მდგომარეობაში იტანჯებოდა ილ. ხონელის მამა ოცდა სამეტ წელს!..

გაბრიელის ძალმომრეობა ამით არ გათავებულა. როდესაც მუქარით ვერ ჩამოართვა ნახევარი იმ ადგილისა, მაკრინემ კიდევ შეჩვილა გაბრიელს: ღვდელს ლუკა ბახტაძეს მეტი აქვს წაყვებული ადგილი, ვიდრე კანტარხტით ერგებო და მაკრინე თხოვდა გაბრიელს, ჩამოეკრათ იმ ადგილისთვის მარცხ და მარცხ ის კუთხე, რომელზეც სახლი იყო დადგმული. გაბრიელმა მიწერა მაშინდელ ქუთაისის მაზრის უფროსს—მარტინოვს, დაეწვრია მას ლუკა ბახტაძის ახალი აშენებული სახლი და თან უხსნიდა, რომ კანონით მას ნება აქვს, ასე მოიქცეს (გაბრიელი ატყვილებდა მარტინოვს. ამის მზგავსი არაფერი არ არი კანონში და არც შეიძლება იყვეს). მარტინოვი უფრო წინ და ხედული გამოდგა. მან თავიდან ასაშორებლათ გაბრიელის უკანონო განკარგულებისა, მიწერა თავის თანაშემწეს—მარჯანოვს, მოქცეულიყო იგი კანონისაებ. ეს მიწერილობა გაბრიელისა დათარიღებულია 1870 წ. 29 ნოემბრის რიცხვით.

შვადამისას, როდესაც ყველას ეძინა, ბესარიონ ჩხენკელს და მის მაკრინეს შეეკრიბათ მათი თანამოაზრე მოხელეები და ლუკას ექვს თვალისანი სახლი დაუნგრეს და ფიცრები იქით-აქით გადაუგდეს და ეზოს ღობეები მოტრიატეს.

ბესარიონმა და მაკრინემ იცოდნენ გაბრიელის მიწერილობა მაზრის უფროსთან და, მარჯანოვის რჩევით, თვით მოიყვანეს სისრულეში მისი აღსრულება. კოტე მარჯანოვი ახლო იცნობდა მაკრინეს. წინა დღეს მამა განგებ ქუთაისში გაიხმეს, ეპისკოპოზი გიბარებსო და, რომ მოვიდა ხონში, ყველაფერი დანგრეული და დაქცეული დახვდა. მამას ეს ძალმომრეობა არაფრათ ჩაუგდია. იგი დიდი სულგძელი და მომთმენი ადამიანი იყო. და კარგათაც იცოდა, როგორ ავაზაკებთან ქონდა საქმე. მაშინვე მასთან მოვიდნენ ის ხუროები, რომელთაც პირველათ აუშენეს ის სახლი და უსასყიდლოთ

აუგეს იმავე ადგილზე, სადაც უწინ იდგა. მუშებმა ქირაზე უარი თქვეს, რათგან იცოდნენ ნამდვილი მიზეზი გაბრიელის ძალმომრეობისა და არ უნდოდათ ბოროტება გამარჯვებულიყო... ახლა იკითხავთ, რა უფლება ქონდა ეპ. გაბრიელს მაზრის უფროსისთვის მიეწერა სახლის დაქცევა? კანონით ხომ არავის ნება არ აქვს სისრულეში მოიყვანოს თვისივე განკარგულება, მხოლოდ მსაჯულის აღმასრულებელი ფურცლით შეიძლება სახლის დაქცევა?

ამით არ გათავებულა და არც დაწყებულა მამაჩემის დევნა გაბრიელისგან. უფრო ადრე მაკრინემ მოისურვა თავის ქმრის, ბესარიონის გადმოყვანა სოფ. ქვეტირიდან, სადაც მამამისის ადგილზე იყო ნაკურთხი ღვდლათ, ხონის ეკლესიაში. მაშინ მამაჩემის და გაბრიელის განწყობილება უკიდურესობამდის არ იყო მისული.

ხონის ეკლესიაში ორი ღვდლის ადგილი იყო. მამა ჩემი მეორე ღვდელი იყო. გაბრიელმა ბეს. ჩხენკელი მესამე ღვდლათ გადმოიყვანა, ხონის ღვდლებს მრევლი გამოუყო და ერთი მესამედი ხონის მრევლისა ბეს. ჩხენკელს მიცა. ცოტა ხნის შემდეგ, რაკი ჩხენკელს ფეხი მოადგმევინა ხონის ეკლესიაში, ჩხენკელი მეორე ღვდლათაც განაწესა გაბრიელმა და მამა-კი მესამეთ—და თან მესამე ღვდლის შტატი გააუქმა და მამა ჩემი შტატ გარეშე დატოვა; მამა ჩემმა, რასაკვირველია, განასაჩივრა გაბრიელის განკარგულება ბესარ. ჩხენკელის დანიშვნის შესახებ და თხოულობდა თავის ადგილის დაბრუნებას.

მოგეხსენებათ, მ. დევანოზო, რომ თქვენ უწყებაში სამართალი არ არი, თუ სქელი ჯიბე არ აქვს მიხონველს. მამა ჩემს ჯიბეც თხელი ქონდა და ისეთი ხასიათის იყო, რომ კიდევ ქონოდა, ქრთამს არავის მიცემდა. უქრთამოთკი სამართლის კარი ვერსად შეაღო. თფილისის კანტორაში გაასაჩივრა ეპისკოპოზის განკარგულება, კანტორა ისევ გაბრიელს შეეკითხა. გაბრიელმა ისეთი პასუხი გასცა კანტორას, რომ მამა ჩემს ყველა ცოდვები მოახვია თავს და ბეს. ჩხენკელი გაბრიელ მთა-



ვარ-ანგელოზათ გამოიყვანა. მამაჩემმა სინოდში იჩილა. სინოდმაც გაბრიელს მოთხოვა თავის დასკვნა. რასაკვირველია, გაბრიელი თავის წინააღმდეგ არ იხამდა წარდგინებას სინოდში. არც იქიდან გამოვიდა რა. საქმე გაკეთდებოდა, რათგან სიმართლე მამასკენ იყო. მარა ყველგან ხელები გამოწვდენილი დახვდა და მართლმსაჯულება რომ მიეღო, ყველასი მადა უნდა დაეკმაყოფილებია!...

ამ დროს გაბრიელმა აავსო ბესარიონ ჩხენკელი ყოველ გვარ ორდენებით, ბლადოჩინიც ის იყო და საეკლესიო მამულებს გამგეც. დეკანოზობაც მიცა. ბოლოს, გაბრიელმა გადმოაგდო ხონის ეკლესიის პირველი ღვდელიც და მის ადგილზე ბესარიონ ჩხენკელი დააყენა. ბესარიონი რომ გენახათ თავის ორდენებით, მამაშვილობამ, ჩინელ ბონძათ მიიღებდით, იმდენი ქონდა ორდენები, ყველა მაკრინეს სახელით მიღებულნი... მაშინ მამას დამხმარე არავინ ყავდა. შვილები პატარები იყვნენ, რომელნიც იყვნენ, ყველა სწავლობდა, ყველანი მის ზრუნვას თხოულობდა. შემოსავალი-კი შეუმცირდა, რათგან მისი შემოსავალი გაბრიელმა ბესარიონ ჩხენკელს გადაცა.

ილ. ხონელი რომ რუსეთიდან დაბრუნდა, დიდი ხნის შემდეგ, მან მიაქცია ყურათღება მამის საქმეებს, რათგან ხელავდა ეპ. გაბრიელი სრულიათ აბნეულია ამ საქმეში და, მის მაგიერ, სხვები ქალაქებს ადგენდენ, წარდგინებასაც შევბოდენ, ღვდლებსაც ავდებდენ, მათ ადგილებს სხვებზე ყიდიდენ, გაბრიელს მხოლოდ ხელს მოაწერიებდენ.

ამ დროს, ხონის ჰოარიზონტზე ახალი მტაცებელი გამოჩნდა, ბლადოჩინი ერასტი მაქარაძე. ეს ღვდელი ხონის მთავარანგელოზის ეკლესიაზე იყო ნაკურთხი. მან მოისურვა იქიდან ხონის ეკლესიაში გადმოსვლა. ამისთვის გაერია ხონელი ღვდლების და გაბრიელის დავაში, მიქონდა სიტყვები გაბრიელთან და სულ გადარია ღვდელ-მთავარი. ამ დროს არც მაკრინე იყო ცოცხალი, არც ბესარიონი. ორივემ გლახათ გაათავეს სიცოცხლე. ბეს.

ჩხენკელისთვის რაღაც გამოძიება მიენდოთ, ყალბი საბუთები შეედგინა და, მისი წყალობით, ექვსი მართალი კაცი, მიქელაძეები, ციმბირში გაგზავნეს. ამ საქმისთვის ისიც სამართალში მიცეს. მარა, მისდა საბედნიეროთ, სიკვდილმა მოუსწრო და ციმბირს გადაარჩინა.

ერ. მაქარაძეს უნდოდა რამე ნაირათ ადგილი გაეთავისუფლებია ხონის ეკლესიაში თავი სთვის. ამისთვის გაბრიელს გააგზავნიეს იმან და მისმა მეგობარმა, რაპორტი თფილისის სინოდალურ კანტორაში, 5 აპრილს 1889 წ., რომ კანტორას მამაჩემი სხვა ადგილზე გადაეყვანა ან სულ უადგილოთ დაეტოვებია. ამ რაპორტიდან რომ არაფერი გამოვიდა, გაბრიელმა კიდევ გაგზავნა კანტორაში მეორე რაპორტი, 8 ივნისს, იმავე 1889 წ.

რა მოხდა, რა დააშავა ღვდელმა ლუკა ბახტაძემ, რომ ამისანა მდევარი იერიშები მიქონდათ მასზე? არაფერი, არც ბოროტმოქმედება, არც არავითარი გამოძიება. გაბრიელი მხოლოდ შურს იღებდა ბესარ. ჩხენკელისას და ხონელისთვის უნდოდა სამაგიერო გადაეხადა იმ შენიშვნებისთვის, რომელსაც იგი ბეჭდავდა მასზე. ხონელს ვერას დააკლებდა და, სამაგიეროთ, მამაზე მიქონდა იერიშები.

გაბრიელის წარდგინების შინაარსი მამამ გაიგო, ილ. ხონელს აცნობა ქ. სოხუმში, სადაც იგი იმ დროს სტუმრათ იმყოფებოდა ნათესავებში. ილ. ხონელი მაშინვე გამოეშურა თფილისისკენ.

გემში მას გაცნობოდა ობერპოლციეისტერი თავ. შახავსკოი, ეგზარხოსის პალატის ახლონაცნობი. მუსაიფში თავ. შახავსკოს ეთქვა, თფილისში მივდივარ, თქვენი პალატის სანახავათო. ილიკოს ესარგებლა ამ შემთხვევით და გაცნობით და, სხვათა შორის, მამამისის ამბავიც ეამბნა მისთვის და უმიზეზო, გაუთავებელი დევნა ეპ. გაბრიელისა. თავ. შახავსკოს ეთქვა, მივიდეთ ეგზარხოს პალატისთან და ავუხსნათ საქმის გარემოება. ბოროტ ადამიანებს მამა, როგორ უნდა გაათელინოვო.

ილ. ხონელი პალატის კარგათ იცნო-



ბდა, მარა მამის საქმეებზე იმასთან საუბარი არა ღროს არ ქონია. როდესაც ხონელმა ვაზ. „კავკაზ“ში აღძრა საკითხი სიონის ტაძრის ეზოს გაფართოებისა და იმ დუქნების რეკვიზიციისა, რომელიც სიონის კედლებზე არი მიშენებული, პალადიმ მოისურვა მისი გაცნობა და დეკ. მამა კალლისტოვი გამოუგზავნა და ინახულა. და, ხონელის რჩევით, პალადიმ მიწერა მაშინდელ მთავარ მართებელ შერემეტევს, რომ დაეკეტათ ის დუქნები, რომელიც სიონის კედლებზე არი მიშენებული და ნება არ მიეცათ მათი გახსნისა და შიგ ვაჭრობისა. ის დუქნები დღესაც დაკეტილი არი. თავ. შახავსკოი და ილიკო მივიდნენ პალადისთან და აუხსნეს ღვდლის, ლუკა ბახტაძის საქმის გარემოება. პალადის აღეთქვა, მოვითხოვ კანტორიდან საქმეს და თვითონ მე წავიკითხავ და გავეცნობიო და დაენიშნა მათთვის დრო, შედეგის გასაგებლათ.

დანიშნულ დღეს, როდესაც მისულიყვენ, პალადის დიდი გაცვიფრება გამოეთქვა მათთვის. გაკვირვებული ვარ გაბრიელის უსამართლობითო, მასთან არც მეგობრობა შეიძლება, არც ნაცნობობა, მუდამ შფოთშია, მუდამ ჩხუბშია, კანტორა მისი საჩივრებით გარდავსებულია. არც ჩემთან არი კარგათ, რა დავუშავე-კი, არ ვიციო, მეზობელ ღვდელ-მთავრებთან მუდამ წაკიდებული და შფოთში არისო. გავეცანი მამათქვენის საქმეს, ეთქვა ილიკოსთვის, და ვერ მივხვდი, რისთვის ღვენის ამ კაცს ოცდაათი წლის განმავლობაში. ყოველი შფოთის შემტანი, როგორც საქმიდან ჩანს, ღვდელი ჩხენკელია, რომელსაც გაბრიელი მფარველობსო. იმ დროს ბ. ჩხენკელი ცოცხალი იყო. პალადის აღეთქვა: ამ დღეებში შევიტან ამ საქმეს კანტორაში განსახილველათ. მართლაც, იმ დღეებში კანტორას დაედგინა: ღვდელი ჩხენკელი სხვა მრევლში გადაეყვანა გაბრიელს, როგორც მიზეზი ყოვლის შფოთისა და ლუკა ბახტაძე იქვე დაეტოვებია თავის ადგილზე. ეს უქაზი კანტორისა აპრილის დამლევს 1889 წ. მოვიდა ქუთაისში. გაბრიელი და მისი მრჩეველები გაცვიფრებას მიეცენ. არ იცოდენ, რა ძალამ შეაბრუნა მამა ჩემის საქმე ამ გვარათ.

გაბრიელმა ეს უქაზი არა თუ სისრულეში არ მოიყვანა, კიდევ დაიკარგა იგი უგზო უკვლოთ, ჰაერში გაქრა.

გაბრიელი და მისი მრჩეველები მაინც არ დაცხრენ. მათ მიანდვეს ილია კიკნაველიძეს ამ უქაზის მაგიერ, მეორე უქაზის გამოგზავნა კანტორიდან. მართლაც, კანტორიდან მეორე უქაზი მოვიდა ქუთაისში, გაბრიელის სახელზე, რომლითაც კანტორა წინადადებას აძლევდა გაბრიელს: ღვდელი ლუკა ბახტაძე, ან სხვა მრევლში გადაეყვანა და, თუ იგი არ ისურვებდა გადასვლას, უადგილოთაც დაეტოვებია.

გაბრიელმა აისრულა თვისი სურვილი. როგორც მერე აღმოჩნდა, კიკნაველიძეს ეს ახალი ყალბი უქაზი 22 მარტისა 18 მაისს შეედგინა და სხვა უმნიშვნელო ქაღალდებთან მიეტანა ეგზარხოს პალადისთვის, ხელის მოსაწერათ, დიდ მარხვის პირველ კვირაში, როდესაც პალადი ქაღალდებსაც არ კითხულობდა და ლოცვაში და მარხულობაში ატარებდა დროს... პალადისაც წაუკითხველათ ხელი მოეწერა. რასაკვირველია, არ იცოდა, რაზე აწერდა ხელს.

კიკნაველიძე იმ დროს კანტორაში სტოლის უფროსი იყო. კიკნაველიძის ვინაობას მე არ გაცნობთ, მამაო იოსებ. იმას თქვენ ჩემზე უფრო კარგათ უნდა იცნობდეთ. ვიტყვი მხოლოთ, რომ იმას არაფერი ბოროტება და სიბილწე სემინარიის ბურსისა არ აკლდა.

აი, ამისანა არა საკადრისი გზით და სწავლებით შეძლო სულმნათმა გაბრიელმა მამა ჩემის ადგილიდან გადაყენება.

იკითხავთ: როგორ მოახერხა კიკნაველიძემ კანტორის სხვა წევრების ხელის მოწერინება ამ ყალბ უქაზზე? ეს კიკნაველიძის საიდუმლებას შეადგენს, რომელიც იმან საფლავში თან ჩაიტანა და კანტორის მაშინდელ წევრებისას...

ეს ყალბი უქაზი კანტორამ (კიკნაველიძემ) გამოგზავნა ქუთაისში ზაფხულში, როდესაც ეგზარხოსი პალადი პეტერბურგში იყო გამონმობილი, სინოდის ზაფხულის სესიაში დასასწრებლათ.

აი, ასეთი იყო ეპ. გაბრიელი. მისი ხა-



სიათი რო გაიგოთ, მისგან დაწერილი საქმის ქაღალდები უნდა წაიკითხოთ... ცილის წამებასაც კი კადრულობს, რო დაამკიროს თვისი მოპირდაპირე!

ახლა გეკითხებით, მამაო იოსებ, ვის ეკირება ცოდვების შენდობა. მამა ჩემს, რომელსაც გაბრიელი უმიზეზოთ დევნიდა?.. თუ მიზეზათ იმას დაასახელებთ, რო მამა ჩემმა ვილაც მაკრინეს ადგილი არ მიცა. ამ მიზეზის მოტანა გაბრიელისთვის სამარცხვინოა, თუ ებ. გაბრიელს, აღჭურვილს უფლებით, გაბოროტებულს შურისძიებით, რომელიც ოცდაცამეტ წელს დევნიდა დიდი ოჯახით დატვირთულ სოფლის ღარიბ ღვდელს?!

მე აქ მხოლოთ ცოტათი ავხადე ფარდა გაბრიელის მოღვაწობას იმერეთის ეპარქიაში. ჩემ აზრს გაბრიელზე და მის მოღვაწობაზე მალე წაიკითხავთ უფრო ვრცლათ, ილ. ხონელის ცხოვრების აღწერაში. ეს ფაქტები მხოლოთ თქვენი ცნობისმოყვარობის დასაკმაყოფილებლათ მოვიტანე აქ.

თქვენ ბძანებთ; „მამა ლუკას ერთი საქმე ისე წავიდა, რო ღირსებაც ახადეს, მარა შეიბრაღეს, ისევე გაბრიელის წყალობითო“. ამ სატყვებში მხოლოთ ერთი მართალია. მამა ლუკას ცხოვრებაში მართლა ქონდა ადგილი ერთ სამწუხარო მოვლინებას. მარა სასამართლომ თვით დაინახა მამას სიმართლე და მისი უდანაშაულობა იმ საქმეში, რომელიც მას ბრალდებოდა და შუამდგომლობა აღძრა მეფის წინაშე ბრალდებიდან მისი გათავისუფლებისა. რაც შეეხება თქვენ სიტყვებს, „შეიბრაღეს ისევე გაბრიელის წყალობითო“, ეს სიტყვები მხოლოთ თქვენ უმეცრობას ამტკიცებს. სასამართლო რისთვის, ან როგორ შეეკითხებოდა ბერს გაბრიელს, და მანაშავე დაესაჯოთ, თუ გავათავისუფლოთო. სასამართლო, მამაო, ეპარქიის კანცელარია-კი არ არის. იგი სრულიათ დამოუკიდებელია ყველასგან, იგი ხელმძღვანელობს მხოლოთ სახელმწიფო კანონებით და სალი გონებით.

თქვენ, უთუოდ, იცნობდით ღვდელს, ლუკა ბახტაძეს. თუ იცნობდით, ისიც გეცოდინებ-

ბათ, რომ ის სათხოვნელათ არ წავიდოდა ისეთ კაცთან, რომელიც მის მოსახჩობათ ყალბ უქაზებს არღვენდა. საზოგადოთ უნდა მოეახსენოთ, მ. იოსებ, რო მამა ჩემი გაბრიელის ღირსებას არ უარყოფდა, როგორც ღვდელმთავრისა და მქადაგებლისას, მარა, რაც შეეხება გაბრიელს, როგორც ადამიანს, როგორც ეპარქიის მართველს, იგი მამაჩემის გულში მხოლოთ სიბრალულს იწვევდა...

აი, ის საქმე, როგორ იყო: მამას ფული დაქირდა და ერთ ახლობელს ის სახლი დაუვირავა, რომელიც გაბრიელმა დაუქცია. გირავნობის ფურცელში ხონის ნოტარიუსს შეცდომით ის ადგილიც შეეტანა, რომელზეც სახლი იდგა. ის კაცი, რომლიდანც მამამ ფული ისესხა, — გარდაიცვალა. მისმა მემკვიდრემ, რომელსაც რალაც დავა ქონდა მამასთან ადგილის შესახებ, პროკურორს აცნობა, ღვდელმა ლუკა ბახტაძემ სახელმწიფო ადგილი დაუვირავა მამა ჩემსო. სასამართლოში გამოირკვა ნამდვილი გარემოება საქმისა, რო მამა ჩემს ადგილი-კი არ დაუვირავებია, არამედ სახლი, რომელიც იმ ადგილზე იდგა.

ნაფიც მსაჯულების სასამართლო რო ყოფილიყო, გაამართლებდენ მამას, როგორც უდანაშაულოს. მარა ეს უფლება არა აქვს იმ სასამართლოს, რომელიც ჩვენში მოქმედობს. იგი მხოლოთ, როდესაც დარწმუნდება ბრალდებულის უდანაშაულობას, აღძრავს შუამდგომლობას მეფის წინაშე ბრალდებიდან სრულიათ გათავისუფლებისა. ის ადგილი, რომელსაც გადააყოლა გაბრიელმა მამა ჩემი, მეფემ, ნიკოლოზ მეორემ, მერე, საჩუქრათ უბოძა მამა ჩემს. რაც შეეხება გელათის გაცარცვის ამბავს, თქვენ მიერ მოთხრობილს, იგი არც მართალია არც გულწრფელი. თქვენ ვილაც უმნიშვნელო მოხელეს — პუტიატინს აწერთ მის გაცარცვას. ესე იგი, მოგინახავთ ვილაც „მეისრე“ და იმას გინდათ მოახვიოთ თავს ეს ბოროტ-მოქმედება და გაამართლოთ ნამდვილი ქურდები. ეს ფანდა თქვენზე აღრე სცადეს იმ ქურდებმა. გელათის გაცარცვა მაშინ იმათ მოახვიეს ვილაც მართალ



ბერს, რომელიც ციხეში ჩააღებს. მარა ბოროტებას ამით არ გაუმარჯვნია და სიმართლე არ დაჩდილულა...

არა, მამაო, ის მაღალ ხარისხოვანი ქურდები, რომელთაც უწმინდური ხელებით გაბედეს შეხება ჩვენ წმიდათა წმიდას ვილაც პუტიატინი—კი არ იყო. ერთი იყო გრაფი, მაშინ დიდი გავლენიანი კაცი ქუთაისში და, მეორე, წვერიანი, სახელათ ეგსევი ქვიოდა, რომელთაც შეეძლოთ გაბრიელის დაწინაურება. ამ მაღალ ხარისხოვან ქურდებმა გააგვირეს გაბრიელს, რომ ის თუ დათანხმდებოდა და გარდაცემდა მათ გელათის ფასდაუდებელ სიმდიდრეს, რომლის ფასი და მნიშვნელობა გაბრიელმა არც იცოდა, იმას შეეძლო იმედი ქონოდა არქივისკოპოზის ხარისხის მიღებისა და, თუ ასე დაამსახურებდა კიდევ თავს, ვინ იცის, მერე თავსაც დაიშვენებდა, ყოველ ბერისთვის საოცნებო, მიტროპოლიტის თეთრი ბარტყულით...

გაბრიელმა, როგორც კარიერისტმა, რომელსაც არავინ ყავდა დამხმარე მაღალ საფეხურზე ასასვლელათ, ისარგებლა ამ შემთხვევით და გადაცა საქართველოს ეკლესიის, ვიტყვი მეტს და არ შევცდები, თელი საქრისტიანოს, სიმდიდრე.

გაბრიელი სხვის თვალში ბევრს ხედავდა და თავის თვალში-კი ღვირვს ვერ ამჩნევდა! ვინ მიცა ნება გაბრიელს, გეკითხებით თქვენ, მის დამცველს, რა უფლებებით ხელმძღვანელობდა იგი, როდესაც ქურდებს აძლევდა იგი სიმდიდრეს, რომელიც ქართველ ხალხის სასოებად და ღვთისადმი მისწრაფებამ თითო მარტულებით შეაგროვეს თექვსმეტი საუკუნის განმავლობაში?!

როდესაც მაღალ ხარისხოვან ქურდებმა გაიტანეს სიმდიდრე საქართველოდან და დიდ ფასში მიყიდეს ბრიტანიის მდიდარ მუზეუმს, იმათ გაბრიელიც არ დაივიწყეს. გაბრიელს საჩუქრათ გამოუგზავნეს წითელი ფარჩის ანაფორა. მაშინ მიხვდა გაბრიელი, რომ კოჭი აღჩუთ არ დაუჯდა და რომ იგი... მაღალხარისხოვან ქურდებმა გააცურეს.

ამის შემდეგ, გაბრიელმა ყოველი იმედი დაკარგა წარმატების გზაზე სელისა და გაბოროტდა, გაანჩხლდა, ყოველ ეგზარხოსს კბენდა, ეჩხუბებოდა, ყველაში ხედავდა ბოროტმოქმედს და შეუდგა მემუარების წერას. რა ფასი აქვს მის მემუარებს? იგინი ჯერ თუ არ გამხდარან, მალე გახდებიან კრილის და თავგების სხვერპლათ.

ქართველი ხალხი უკეთ ვერ მოიქცეოდა, ვიდრე იგი მოექცა გაბრიელს.

საუკუნო ბინათ მან მიუსაჯა გაბრიელს მისგან გაცარცული გელათი...

შორეული თაობა, რომელიც მოისურვებს გელათის სიძველის გაცნობას, რა ნახავს საფლავს ამ კაცისას და გაიგებს მისგან ჩადენილ სისუსტეს, ლმობიერათ აპატიებს და შენდობას შეუთვლის და ჩვენც, — ქუდი მოიხადეთ, მამაო, — შევეუნდოთ გაბრიელს მისი ცოდვანი და შევცდომანი და შევევადროთ ყოველის შემძლებელ ღმერთს, რათა დაუმკვიდროს მას სასუფეველი ცისა.

ლ. ბახტაძე.

### მოგზაურობა რაჭა ღვი-ხუმიში\*)

ქელიშის მონასტრის ხელნაწერები.

№ 23. „დიდება!“ შენდა უფალო, დიდებულო ცათა შინა და ქვეყანასა ზედა. (ქვეყანასა ზედა) კურთხეულ არს ღთის დაუსაბამოჲ, დაუსრულებელი, მხოლოჲ, უფალი, მეუფეც, მფლობელი საუკუნეთა, შემოქმედი ანგელოზთა და კაცთა, მიზეზი ყოველთა არსთა არსებისაჲ და ყოველთა (ყ-ლთა) ხილულთა და უხილავთა შესაქმისაჲ, ჭეშმარიტი და ყოველთა მიერ მარადის თაყვანის საცემელი, სამებაჲ წმიდა, სამ გუამოვანი, დაუსაბამოჲ, დაუსრულებელი, საუკუნოჲ, უუამოჲ, დაუბადებელი, მიუდრეკელი, მარტივი,

\*) იხ. 'ცხოვრება', № 15.

1) ყოველ სიტყვის შემდეგ, ღვთაში დასმულია ორ-ორი წერტილი.

2) ეს სიტყვები წითელი მელნითაა დაწერილი.



შეუზავებელი, უხორცოა, უხილავი, შეუხებელი, გარეშეუწერელი, უსამხდვროა, უხომოა, მოუვანებელი, სახიერი, მართალი, ყოველად ძლიერი, ყოველთა დაბადებულთა სიბჰნით დამბადებელი, ყოველისა მპყრობელი, ყოველთა მხედველი, ყოველთა განმგებელი, ხელმწიფე ყოველსა ზედა, რომლისა ვითარება ვერ შეუძლო ცნობად ბუნებაჲმან ანგელოზთა და კაცთამან, არცა მისწუთა გონებაჲ ნივთიერი გამოთქმად და მიწდომად გამოუთქმელთა საკვირველებათა მისთა, რომლისა სუფევისა არა არს ცვალება, არცა დასასრული, რომელი უწინარეს ყოველთა საუკუნეთა და ყოველთა არსთაჲსა იყო და არს და იყოს, მას მხოლოსა შეენის ყოველთა მიერ დიდებისა შეწირვა, პატივი და თაყვანის ცემ. ა საუკუნეთა მიმართ უკუნისამდე, ამინ. (უ ვ ე ან) ამის ყოველად (ყ-ლდ) წმიდისა სამებისა მომადლებითა და მის მიერთა წყალობითა და შეწევნითა და მეოხებითა წმიდისა ღვთისმშობელისაჲთა და მარადის ქალწულისა მარიამისათა, ძლიერებითა ცხოველსყოფელისა პატიოსნისა ჯვარისაჲთა და დიდებულთა მთავარანგელოზთა, ოხითა და შეწევნითა ყოველთა მოციქულთა და მახარობელთა, მეოხებითა წ-დისა და დიდებულისა წინამორბედისა და ნათლის მცემლისაჲთა და ყ-ლთა წმიდათა მისთაჲთა, რომელნი საუკუნითგან სათნო გეყვენ შენ. ამათ ყოველთა წყალობითა და შეწევნითა ღირს ვიქმენ მე გლახაკი... ევ...<sup>3)</sup> დედაჲ გურგენ ბერი ვრისთავისაჲ მოგვეად და დაწერად წმიდათა ამათ ოთხთაჲთა სალოცველად და საღბინებლად სულისა ჩემისა და სულისა ვაჩე მელესელისა და ყოველთა თ-უისთა ჩ-ნთა გარდაცვალებულთათვის და დღევადელობისათვის შვილისა და ყოველთა შვილთა ჩემთათვის<sup>4)</sup> აწ მღვდელნო უფლისანო და მნენო ქრისტიანენო და თქვენ მორწმუნენო და ნათელღებულნო წმიდათა მოციქულთა და მახარებელთანო, რომელნი აღმოიკითხვიდეთ და

იხმარებდეთ სულისა წმიდისა მიერ მოსწავებულთა და წ-თა მახარებელთა მიერ თქმულია ამათ წმიდათა ოთხთაჲთა, ლოცვასა წმიდასა (წ-ა) აქ-ნსა მოგიუხსენენით მე და შვილნი ჩემნი, რათა (რ ა ჩუენ (ჩ-ნ) და თქუენ ყუელანი ღირს გუყუნეს ქრისტენან სასუფეველსა მისსა. აწ და საუკუნესა ამინ. ხოლო (ხ-ო) დაიწერნეს წმიდანი ესე სახარებანი ლავრასა წმიდისა ღვთის მშობლისასა საწოდებელს ხელითა ჩემ ცოდვილისა და უნარჩევეს ყოველთა ღვდელთა-სა ათანასე წიგნაურისა-თა, რომელი ძმა ვეყოდე სულ დიდებულისა არსენი ჭერამელსა და ვიყავ მამულობით მამასახლისად წინაშე წ.1) წმიდისა ღვთის მშობელისა<sup>1)</sup>

გვევდრები ყოველთა აღმსარებელთა სამებისა წმიდისათა ლოცვა ყავთ ცოდვითა ვაფრდილისა ათანასე უცხად მწერლისა და შემოსელოსათუის და თქვენცა ღმერთმან მიგმადლენ სასყიდელი შრომათა თქუენთა უკუნითი უკუნისამდე ამინ (უ-ვე ა-ნ)<sup>2)</sup> ოდეს განსრულდეს წმიდანი ესე, სახარებანი ქრონიკონი იყო ს ლ გ<sup>3)</sup>

საქართველოს ისტორიაში მეფე ბაგრატ IV (1027-1072) დროის მოხსენებულია ხორნაბუჯის ერისთავი ვაჩე, ძე გურგენ ბერისა. (ქარ. ცხ. I, 223 და ვახუშტის ისტორია ბაქრაძის გამ. გვ 155). გურგენ ბერი, როგორც მოტანილი მინაწერიდან ჩანს, ხლწერის გადაწერის დროს (1013 წ.) ცოცხალი არ ყოფილა.

ქალაქი ხორნაბუჯი მდებარეობდა კახეთის იმ ნაწილში, რომელიც ცნობილი იყო კამბეჩოვანის სახელით ან აწინდელ ქიზიყში (ქ. ცხ. I, 49 და 147 შეად. პლ. იოსელიანი. Пут. замѣтки по Кახетин, 17 და 18) 4), ვახუშტის თქმით, ეს ოდესღაც ყოფი-

აქ წელნაწერში ცხრა წერტილია: სამჯერ სამ-სამი.

- 2) სამი წერტილი.
- 3) ცხრა წერტილი -- სამჯერ სამ სამი.
- 4) ქართლის მოქცევა („მოქცევაჲ ქართლისა ქიზიყს იხსენებს კამბეჩანის (ვარიანტი კამბეჩიანი) სახელით (ეკვ. თაყაიშვილი. „სამი ისტ. ქრონიკა“: გვ. 44), ხოლო ქარ. სხოვრება-კამბეჩოვანისა ( I, 49) და კამბეჩისა (ibid 146. ქალაქი კამბეჩისა, რომელ არს ხორნაბუჯი“). ხორნაბუჯი ვახტანგ გორგ. განდსაეპისკოპოზო ქალაქათ და თავის სიმოსხლეშივე გადასცა თავის შვილს დაჩის (Ibiqem). ბერძენების კამბეჩენე უდრის ამ კამბეჩოვანს (ი. ჯავახიშვილი. ქარ. ერის ისტორია, 58). ქართლის მოქცევით, როდესაც

<sup>3)</sup> ეს სიტყვა არ იკითხება. უეჭველია, აქ იყო მოხსენებული გურგენ ბერის დედის სახელი, რომელიც, შეიძლება იყოს ქეთევან.  
<sup>4)</sup> აქ უზის ექვსი წერტილი.



ლი ქალაქი მის დროს წარმოადგენდა დიდ ციხე-სიმაგრეს, რომელსაც ეწოდებოდა არა ხორნაბუჯი, არამედ ქოეთი „მუნ არს ხორნაბუჯი და აწ უწოდებენ ქოეთს“—გეოგრაფია-308), ხორნაბუჯი, როგორც ციხე, მოხსენებულია 1656 წელსაც (საქ. სიძველენი ტ. II, 73).

ბაგრატ მეოთხემ ვანიზრახა კახეთის დამორჩილება. გაილაშქრა მის წინააღმდეგ და შეებძოლა ვაჩე ხორნაბუჯელს დი მის მოკავშირეებს (ერისთავები: პანკისისა 1) სტეფანოზ და მაქისა 2)—დაჭე; დაამარცხა მოწინააღმდეგენი მთავარ—ანგელოზი მიხაილის მთასთან. ერისთავები მხათ იყვენ გადაეცათ ციხეები მეფისთვის და დამორჩილებოდენ მას. მარა ბაგრატმა ამ დროს ცნობა მიიღო, რომ ლიპარტ ორპელიანი აუჯანყდა მას და, მის გამოვერ დაამთავრა კახეთის დაპყრობა და დაბრუნდა ქართლში (ვახუშტი, მოხს. ისტორია 155).

ვაჩე მინაწერში იწოდება მეღესელოთ. ეს სახელწოდება უნდა წარმომდგარიყოს სახელწოდებიდან იმ ადგილისა, რომელიც მას, ან ეკუთნოდა და ან რომელთან რაიმე შემთხვევის განო დაკავშირებული იყო. ამ სახელით ჩვენ ვიცით ერთი სოფელი, რომელიც იმყოფებოდა თეძამის ხეობაში (ვახუშტის გეოგრაფია—რუქა №2). შესაძლებელია ვიფიქროთ, რომ ხორნაბუჯის ერისთავს ვაჩეს მეღესელოთ სახელწოდება ამ სოფლიდან მიეღოს. ეს მისაღებია სხვა მოსაზრებითაც. ამავე თეძამის ხეობაში, იმ ადგილს, სადაც მდინარე თეძამი უერთდება მტკვარს, ვახუშტის ჩვენ-

ბით, იყო ღეთის მშობლის მონასტერი „კეთილ შენი“ ტაძრით. \*) მონასტერი დაუარსებია ვახტანგ გორგასალს და ცნობილი ყოფილა მეტეხის სახელწოდებით (ibid. 199—198). შეიძლება ვიფიქროთ, რომ ჩვენი ოთხთავის მინაწერის ღეთის მშობლის ლავრა—მეტეხის მონასტერია, სადაც, ვახუშტის თქმით, იჯდა არქიმანდრიტი (Ibidem). ამას რამდენათმე ადასტურებს ასიც, რომ, როგორც მოგვითხრობს როსტომ მეფისგან ჯავახიშვილისათვის მიცემული სიგელი, მეფე თეიმურაზს (1624—1634) დივანბეგი როინ ჯავახიშვილი დაუტყვევებია და ხორნაბუჯის ციხეში ჩაეგდო. როსტომ მეფეს—კი გაუთავისუფლებია ჯავახიშვილი და დაუბრუნებია მისთვის მისი საგვარეულო ადგილი, თეძამის გაღმა-გამოღმა მონასტრითურთ (ძველი საქართველო ტ. II, 73 და 74). ეს ვვაფიქრებთ, რომ თეძამის ხეობა და მეტეხის მონასტერი ძველათგანვე ეკუთნოდა ხორნაბუჯის ერისთავებს. ის გარემოება, რომ მონასტერი მინაწერში მოხსენებულია ლავრათ, არ ეწინააღმდეგება ამ მოსაზრებას, რათგანც საქართველოში მონასტრების ლავრათ წოდება არა იშვიათი იყო. მაგალითად, ისტორიულ საბუთებში ლავრათ იწოდებოდენ მონასტრები: შატბერდი (ქორდანია თ. ქრ. I, 97, 115, 252 და 292; ვახუშტას ხსენ. ისტორია 130 სხოლიო), (ქრონ. II, 73), ოზიზა (ibid I, 87), ნეძვი (ibid. I, 97), შიომღვიმე (ibid. II, 180) და სხ. (შემდეგი იქნება.)

ამბერი.

გუარამი. ბაგრატიონთა წინაპარი, ქართლს „გააჩინეს ერისთავად“, გუარამის ძმა—რაპაკ „წარვიდა კახეთს და დაემზახა იგი წერსეს და სხენი ორნი ძმანი/ ამათნი, სახელით არამ და ვარზვარად (ქ. ცხოვრებით-ვარზვარდ), წარვიდეს კამბეჩანს და მოკლეს მათ სპარსთა სპარსალარი, და დაიპყრეს კამბეჩანი, და დასდენ იგინი მუნ ცხოვრებად ხორნაბუჯს და ამ ყამამდი შვილნი მათნი მთავრობენ, მას შინა (სამი ისშ. ქრ. 23 და 44). ამაზე მოგვითხრობს ქარ. ცხოვრებას I, 163) და დასძენს, რომ ესენი იყვენ „მორჩილება-სა და მსებურებასა შინა მეფეთა ქართველთათა“. ხოლო იოანე და ჯუანშერის გაოდაცვალუბის შემდეგ, კახეთში გამოთავრდა გრიგოლი, განუღდა ქართლი მეფეებს და ამ განდგომილებაში იყვენ ერთ მეფობის დამყარებამდი საქართველოში, რაც მოხდა დავით აღმაშენებლის დროს (ქარ. სხ. II, 95).

1) პანკისის ხეობაზე იხ. ვახუშტის გეოგრაფია ბგ. 320—324.

2) მაქი ვახუშტის დროს ცნობილი იყო თოლას (ibid. 312), ანუ თორლას რუქა.

### რედაქციისგან.

ვერხარნის ბიოგრაფიის შედგენის დროს, ვახ. „საქართველოში“ და „ახ. კვალში“ დასტამბული წერილებით ვისარგებლეთ.

რე დ

№2 სახელით. პანკისი და მაქი კახეთის ნაწილებია. მაქის და ხორნაბუჯის საერისთავოებზე ვახუშტს აქვს მეორე ადგილსაც (ibid. 233-234).

\*) მეტეხის, მართლაც, შესანიშნავი ტაძარი, რომელიც პირწმინდათ წაავგეს თფილისის მეტეხის ტაძრის ნაშენობას, ვახტანგ გორგასალისაშენებულია. მარა ეს ტაძარი არ არის იმ ადგილს, სადაც მდ. თეძამი უერთდება მტკვარს. აქ ჩვენი გათქმული გეოგრაფი, ვახუშტის ჩვენება მართალი არ არი. მეტეხი უფრო ქვემოთაა, შვაგულსოფელ მეტეხში, აღმოსავლეთისკენ. რედაქტორი.

რედაქტორ-გამომცემელი რომანოზ სპ. ფანცხავა.

ნებადართულია სამხედრო ცენზურისგან. სტამბა „ძმობა“, პუშკინის ქუჩა, სახლი გოკიელისა.



III წ. მიიღება ხელის მოწერა 1917 წელს III წ.

სალიტერატურო, საზოგადოებრივ და სამეცნიერო კურონალ

# „სსოვრება-ზე“

რომელიც გამოვა ორ კვირაში ერთხელ, რომანოზ სპ. ფანცხავას რედაქტორობით. ჟურნალში ითანამშრომლებენ საუკეთესო სალიტერატურო ძალები (წელიწადი მესამე) წლიურათეურნალი ელირება ნ მ. ნახევარი წლით მ მ., სამი თვით 1 მ. და 75 კ. თვიურათ 3 ნ კ. წლიურ ხელის მომწერლებს ფულის გადახდა ნაწილ-ნაწილათა შეუძლიათ. ხელის მოწერის დროს მ მ., პირველ აპრილს 2 მ. და პირველ ივნისს 1 მ. ქუთაისში ხელის მოწერა და ნუმრებზე ყიდვა შეიძლება მხოლოდ რედაქციის კანტორაში (სტამბა „ძმოსა“), ისილორე კვიცარიძესთან. თფილისში, კავკასიის საფერ-შლო სკოლის მოწაფესთან, ცერენტი გ—ძე სვანიძესთან. მიხაილოვში—ოსებ ყაჭვიშვილთან, ქიათურაში—პლატონ პ—ძე კილასონიასთან, სამტრედიაში მინა კობალეიშვილთან, ფოთში ნესტორ დოლიძესთან, ბათუმში—„განთიადის“ კანტორაში, ლანჩხუთში—ლუკა გ—ძე ურუშაძესთან, და ბაქოში—სანდრო ქურბიძესთან, ქალაქის თვითმართველობაში.

ფული უნდა გამოიგზავნოს ამ მისამართით: Кутаисъ. Роману Спиридоновичу Панцхава.

დაიწყო ხელის მოწერა ყოველდღიურ საზოგადოებრივ და სალიტერატურულ ვაჟაში

# „სამშობლო“ — 1917 წლისთვის.

(წელიწადი მესამე)

ვაჟაშის ფასი: ერთი წლით 15 მან., ნახ. წლით 8 მ. ერთი თვით 1 მ. 50 კ. ცალკე ნუმერი 7 კ. თვიური ხელის მოწერა მიიღება მხოლოდ თვის პირველიდან. წლიურ ხელის მომწერლებს ვაჟაშის ფასი შეუძლიათ შემოიტანონ ნაწილ-ნაწილათა: პირველათ 5 მან. ხელის მოწერისთანვე. მეორეთ 5 მან. მარტის გასულს და 5 მანათი ივნისის გასულს. რედაქციის კანტორა ღიაა დღის 8 საათიდან სამ საათამდე და ნაშვადღევს 5 საათიდან 8 საათამდე. რედაქტორის ნახვა შეიძლება დღის 8 საათიდან 11 საათამდე. რედაქტორი—ი. თ. ცინცაძე. გამომცემელი ამხანაგობა „სამშობლო“.

მისამართი: ქუთაისი, თფილისის ქ. სახლი მიქელაძისა.  
დებეშებისთვის: ქუთაისი, „სამშობლო“.

ფ—სტამბა № 9